

南宋文範

和 16
341
/



利
294
1

東京
大學
圖書
印

漸
來
文
範

明治卅五年三月廿三日
柳敬物
送可贈

卷之五
蘇審局開序

南宋文範序

東萊呂成公當淳熙中奉敕爲聖宋文鑑采取詳審然終於北宋九朝南渡以後缺如誠未暇也至我朝而吾友莊舍人仲方乃始爲南宋文範一書君以毘陵世家寄居秀州又遷武林文物之匯性喜聚書復盡讀文淵閣所藏蓋閱二十餘年而始成嗚呼勤哉夫以文載道之說始於韓子而歐陽子承之至朱子而其道益光同時諸賢莫不質有其文彬彬乎韓歐之緒餘也乃元明以來鮮克蒐采閒有述作鬱而不章豈非人不足以任其事道不足以綜其言與君於學問既識其大故別擇精當用力久而致慮專然使非生當詳備之時處炳蔚之地又有餘功以及此則不能以有成卽成亦不足以傳後然則君之所成如此豈易致哉或曰南宋文氣尙弱上不能望漢唐北宋而下亦無以過元明夫道德之言不專主乎文而亦未始不有其文故自韓歐以來一則曰文者貫道之器一則曰文與道俱此雖其才

所錄宋
有物拜

不逮前人猶將過而存之以爲學者勸而況其人與文之光明俊偉若是者乎或又曰南宋亡乎道學其弊由於文勝茲何取其文沾沾爲此則悖繆尤甚夫南宋之亡由於不用道學當時諸人議論具在安有迂戾乖僻如時俗人所譏云云者其君人弗克用而顧以責言者之非此則東周亡而訾孔孟真邪說也若夫漢之黨錮明之東林雖其道不克與孔孟程朱並而大義炳然不欺其志豈非人極之所以立者歟而何責於南宋諸人爲哉書凡七十卷體以類從意以例顯既各詳所采書目又以其餘爲外編嗚呼可謂詳且審矣予往客江寧聞嚴侍讀長明輯有南宋文鑒一編見於錢詹事大昕所作傳訪諸其家業已零落然其書無篇目恐無以過君所輯者今附著之以見好學者用心略同至於有傳有所傳則又存乎其人之自致焉若予之不足以重君之書是固有所不暇計云爾

道光十六年季秋立冬日婁姚椿撰

序
秀水莊芝階學南宋之學於其師元和顧少卿選南宋文範若干卷既成以視德旋屬爲其序論者謂宋之南渡諸家理勝而文不逮乎古然或又以爲理勝者文不虧工而自工竊以論文必溯源於六經繼六經而起者孟子七篇而已其後荀況董仲舒劉向揚雄韓愈並號通儒而考其著述已不能無小疵至如柳宗元李翱歐陽修曾鞏王安石蘇洵軾轍雖各有所挾持然皆不免刻意求工於文而於古聖人所以自治其身心之理未嘗深求而得之也南宋諸家言理一衷諸孔孟然而文卒不逮乎古者何也理勝者學之爲文不逮乎古者時之爲而亦其未嘗刻意求工於文之故然則或所云文不虧工而自工者蓋難言之然試思孔孟既歿之後諸子百家雜出而爭鳴文非不工也而其爲世道人心之患亦甚矣今使言孔孟所言之理而達之以荀況董仲舒劉向揚雄韓愈氏之筆旨遠辭文而於古人所爲立誠以居業者無背也不亦

善乎然則是編固治古文者所不可廢而其有益於世道人心為尤巨也已宜與吳德旋序

南宋文範體例

- 一南宋文多散漫萎弱而墓志碑銘敘事處尤甚茲擇其雄渾適潔者存之以見其槩
- 一南宋說理文最為明達雖北宋猶未盡及惟近語錄無意為文者皆不錄
- 一選錄是書已歷二十餘年閱書凡三百餘部有詩文兼採者有專採其文或採其詩者有本無專集或有集已佚而採自他書者有其文偶為本集所未收而見於別部者有集雖存而文未工不能入選者凡所採書皆引列其目
- 一南宋近體詩賦槩不採錄止選古體仿唐文粹例也
- 一書判樂語文鑑雖備一格究非文體正宗至連珠露布南宋本無此體無從採擇
- 一知人論世讀書之要今於所選之人各記其里居出處以備考鏡使閱者了然心目不知者闕之

一南北宋間人凡文鑑已選卽不列入惟入元而不仕者如家鉉翁金履祥諸君子蘇氏雖採入元文類茲仍選錄從其志也
一文章雖未合選而或以人存或以事存或以人所傳誦而存者別爲外編
一是書棄取皆與顧少卿先生酌定不敢妄逞臆見先生名會長洲諸生績學工古文詞有詩文集傳世

莊仲方謹識

南宋文範總目

卷一

賦二十二篇

卷二

賦二十篇

卷三

騷七篇

辭八篇

樂章樂歌十九篇

四言七篇

卷四

樂府歌行七十八篇

卷五

五言古詩九十六篇

卷六

五言古詩八十九篇

卷七

五言古詩九十九篇

卷八

七言古詩九十六篇

卷九

七言古詩六十二篇

卷十

詔勅三十二篇

冊文一篇

批答三篇

赦文一篇

卷十一

制誥二十五篇
檄一篇

卷十二

奏疏十四篇

卷十三

奏疏十七篇

卷十四

奏疏十一篇

卷十五

奏疏十三篇

卷十六

奏疏十四篇

卷十七

奏疏九篇

卷十八

奏疏十一篇

卷十九

奏疏十四篇

卷二十

奏疏十二篇

卷二十一

奏疏十一篇

卷二十二

奏疏九篇

卷二十三

奏疏九篇

卷二十四

奏疏十篇

卷二十五

奏疏九篇

繳指揮一篇

卷二十六

進故事十篇

經筵講義二篇

卷二十七

表二十九篇

卷二十八

表二十八篇

卷二十九

箋二篇

啟二十篇

卷三十

啟二十一篇

卷三十一

書十三篇

卷三十二

書十八篇

卷三十三

書十五篇

卷三十四

書十七篇

卷三十五

書十六篇

卷三十六

箴三篇

銘十二篇

頌六篇

贊六十四篇

卷三十七

廟碑六篇

卷三十八

御試策一篇

卷三十九

試策三篇

卷四十

策問二十四篇

卷四十一

策問十八篇

卷四十二

記二十一篇

卷四十三

記二十三篇

卷四十四

記十九篇

卷四十五

記十六篇

卷四十六

記二十篇

卷四十七

序十七篇

卷四十八

序二十篇

卷四十九

序二十二篇

卷五十

序十八篇

卷五十一

序十九篇

卷五十二

策九篇

議五篇

卷五十三

論二十四篇

卷五十四

論十九篇

卷五十五

論十三篇

卷五十六

論十二篇

卷五十七

論十四篇

卷五十八

說十八篇

卷五十九

言四篇

辨七篇

解一篇

史斷二篇

義一篇

答問一篇

講義一篇

卷六十

題跋四十五篇

卷六十一

題跋四十篇

卷六十二

題跋十七篇

勸諭文五篇

祈謝文二篇

上梁文八篇

卷六十三

祭文二十六篇

哀詞一篇

諡議三篇

卷六十四

行狀七篇

傳記五篇
書事七篇

卷六十五
墓銘十四篇

卷六十六
墓銘十二篇

卷六十七
墓銘八篇

卷六十八
墓銘十三篇

卷六十九
墓表墓碣七篇
神道碑二篇

卷七十

神道碑三篇

南宋文範外編總目

卷一

制一篇

奏疏十五篇

卷二

奏疏三篇

啟一篇

書五篇

卷三

書七篇

銘二篇

記四篇

卷四

序三篇

辨一篇
策一篇
跋一篇
雜著一篇
薦疏一篇
祭文一篇

南宋作者考上

秀水莊仲方述

楊時字中立南劍州將樂人神宗熙寧九年進士歷官國子祭酒
高宗即位除工部侍郎兼侍讀以龍圖閣直學士提舉杭州洞
霄宮卒諡文靖時受學於程子傳之沙縣羅從彥再傳延平李
侗三傳為朱子開閩中道學之派其東林書院又為明季講學
宗本雖嘗受聘蔡京為學者皆議然其後上疏欽宗詆京與王
黼亂政而請罷安石猶不失為改過之君子焉著有二程粹言
龜山集

許翰字崧老拱州襄邑人哲宗元祐三年進士徽欽時官至同知
樞密院高宗召為尚書右丞權門下侍郎乞宮祠歸翰立朝敢
言嘗劾蔡京李邦彥南渡力黜黃潛善而請用李綱卒為羣小
讒擯風節凜然且粹于經學文有根柢著有論語解春秋傳今
佚尚存詩文曰襄陵集

宗澤字汝霖義烏人哲宗元祐六年廷對陳時弊寘末甲調館陶

尉欽宗時官至義兵都總管副元帥高宗卽位知開封府屢敗金兵中原豪俊皆響應疏請高宗還汴凡二十八上不報憂憤發疽於背而卒贈觀文殿學士諡忠簡遺文散失寧宗時樓昉綴緝成編名宗忠簡集

許景衡字少伊温州瑞安人哲宗元祐九年進士徽宗時官至殿中侍御史忤王黼去官欽宗時爲中書舍人論救李光程瑀罷職高宗時官至尙書右丞忤黃潛善罷爲資政殿大學士提舉洞霄宮卒諡忠簡景衡源出洛學立朝敢言著有橫塘集

洪芻字駒父南昌人哲宗紹聖元年進士欽宗時官至諫議大夫爲金人括財入王邸中挾內人歌唱侍酒高宗斥謫沙門島卒芻行事紕繆而詩特工爲四洪之最有老圃集

洪炎字玉父南昌人哲宗元祐末登進士官至著作秘書少監與兄芻弟羽號四洪皆黃山谷之甥得詩法於舅氏著西渡集胡安國字康侯崇安人哲宗紹聖初廷試親擢第三爲蔡京所惡

除名欽宗除中書舍人爲耿南仲何榘所擠出知通州高宗紹興元年除給事中後爲陳公輔詆奏予祠卒諡文定安國尊崇程張深斥王安石蔡京論者謂渡江儒者進退合義以安國尹焞爲稱首有春秋傳

葛勝仲字魯卿丹陽人哲宗紹聖四年進士又試學官及詞科皆第一官至華文閣待制徽宗時知鄧州朱勔求白雀不與罷歸高宗建炎中知湖州紹興元年乞祠歸卒諡文康勝仲氣節甚偉且多幹畧知湖州有全城功是經濟文章並著者有丹陽集葉夢得字少蘊號石林吳縣人哲宗紹聖四年進士由婺州教授召爲編修徽宗時歷官翰林學士知汝蔡等州帥穎昌府高宗紹興初爲江東安撫大使仕至崇信軍節度使提舉洞霄宮卒贈少保夢得雖爲蔡京門客章惇姻家而長於理財頗著幹畧有春秋傳春秋考春秋讞石林燕語避暑錄話巖下放言等書復著總集百卷已佚僅存建康集八卷

呂頤浩字元直其先樂陵人徙齊州哲宗紹聖中中進士第徽宗時官至河北都轉運使高宗卽位除知揚州兩入政府同中書門下平章事以少傅醴泉觀使致仕卒贈太師秦國公諡忠穆頤浩爲相顓恣力排李綱李光不爲公論所與然與張浚倡議平苗劉之逆有再造功且才具文武其籌邊戰守諸策料敵如神有忠穆集

張守字全真一字子固常州晉陵人徽宗崇寧元年進士高宗召爲監察御史紹興中歷官至參知政事兼權樞密院事以資政殿大學士知建康府卒諡文靖守具經世才其意主經營淮北以規復中原有毘陵集

朱勝非字藏一蔡州人徽宗崇寧二年上舍登第高宗朝官至尙書右僕射同中書門下平章事出知湖州卒諡忠靖

汪藻字彥章饒州德興人徽宗崇寧二年進士欽宗授起居舍人高宗擢中書舍人官至顯謨閣學士爲人論劾謫居永州卒藻

與胡伸稱江左二寶問學博瞻爲南渡詞臣之首有浮溪集

李光字泰發上虞人徽宗崇寧五年進士知常熟縣欽宗受禪擢右司諫高宗紹興元年擢吏部侍郎歷官至參知政事忤檜意乞去改提舉洞霄宮爲万俟卨呂愿中前後論劾再謫至昌化軍後以郊恩復朝奉大夫至江州卒諡忠簡光爲劉安世門人學有淵源出守宣州保全危城深著幹畧後以爭和議忤檜垂老沒荒自號讀易老人著讀易詳說莊簡集

趙鼎字元鎮解州聞喜人自號得全居士徽宗崇寧五年進士累官開封市曹金人議立張邦昌鼎與張浚逃太學不書議狀高宗擢右司諫歷官至尙書左僕射同中書門下平章事爲秦檜所忌出爲奉國軍節度使徙知泉州檜諷王次翁論之安置潮州詹大方希檜意誣其受賄移吉陽軍檜意猶未已鼎遂不食卒時紹興十七年也孝宗追諡忠簡封豐國公鼎自對策卽斥章惇後爲檜讒死中興名臣與宗澤李綱可稱鼎足初纂修實

錄成高宗親書忠正德文四字賜之因名其所著為忠正德文集

張擴字彥實一字子微德興人徽宗崇寧中進士授國子監簿歷官至秘書省校書郎充館職南渡後任中書舍人擴貢媚秦檜人品不足道而詞采溫麗繇密于浮溪如驂之靳有東臆集王安中字履道中山曲陽人登進士第累官大名尹欽宗靖康時以進又附和童貫王黼實為小人之尤而工於著作駢體尤佳有初寮集

羅從彥字仲素沙縣人以累舉恩授惠州博羅縣主簿後歸隱山中高宗紹興初卒理宗淳祐中追諡文質從彥為楊時高弟朱子言龜山倡道東南從遊者眾其潛思力行任重詣極仲素一人而已有遵堯錄豫章文集

翟汝文字公異潤州丹陽人登進士第除起居郎徽欽朝官至顯

謨閣學士出知越州高宗紹興元年除參知政事忤秦檜罷歸七年以郊恩除資政殿學士提舉洞霄宮卒門人私諡忠惠汝文立朝剛直嘗從蘇軾黃庭堅曾鞏游文有熙寧元祐遺風其儷體與汪藻孫覲相頡頏有忠惠集

劉才邵字美中廬陵人自號槩溪居士徽宗大觀二年上舍釋褐宣和二年又中宏詞科累遷校書郎以養親歸高宗紹興初為秘書丞再掌制誥官至工部侍郎擢吏部尚書加顯謨閣直學士才邵知漳州時嘗開渠溉田有德於民作文尤長於制誥有槩溪居士集

李彌遜字似之連江人居吳縣徽宗大觀三年上舍第一政和間累官起居郎以封事劾切貶官奉祠歸欽宗靖康中召為衛尉少卿高宗紹興七年復遷起居郎仕至戶部侍郎爭和議忤秦檜歸十餘年不通時相書卒後詔復敷文閣待制彌遜在朝著直聲領江東郡事單騎諭賊偕李綱定亂其作品皆為朱子所

欽有筠溪集

張綱字彥正自號華陽老人潤州丹陽人徽宗大觀政和開試舍法三中首選由太學正厯官至徽猷閣待制忤蔡京王黼歸南渡試給事中與秦檜不合復歸檜死起用官至參知政事卒諡章簡綱厯仕四朝多所建白講筵奏劄之文皆因事納忠有華陽集

李綱字伯紀邵武人徽宗政和二年進士厯官至太常少卿欽宗時授兵部侍郎尚書右丞南渡拜尚書右僕射兼中書侍郎為御史所劾罷為觀文殿大學士知潭州荆湖南路安撫卒年五十八諡忠定綱忠義動夷夏每宋使至燕山必問李綱趙鼎安否著有梁谿集

李正民字方叔揚州人徽宗政和二年進士南渡官至中書舍人徽猷閣待制厯官吏禮二部侍郎予祠歸正民知陳州時嘗為金人所獲不屈和議成得還長於制誥有己酉航海錄大隱集

陳與義字去非號簡齋洛陽人登徽宗政和三年上舍甲科厯太學博士高宗紹興時由兵部員外郎官至參知政事與義為南渡詩人之冠嘗以墨梅詩受知徽宗而高宗又賞其客子光陰一聯遂至執政為詩人中最顯達者有簡齋集無佳詞

沈與求字必先德清人徽宗政和五年進士累官監察御史高宗時官至樞密院事乞祠歸卒諡忠敏與求在高宗朝前後幾四百奏深切時弊制誥亦典雅有龜谿集

潘良貴字義榮一字子賤號默成居士金華人徽宗政和五年以廷試第二為辟雍博士累遷提舉淮南東路常平欽宗時謫監信州泅口排岸高宗召為左司諫厯除徽猷閣待制卒贈左朝奉大夫良貴立朝侃直論何卓忤黃潛善劾向子諲又坐與李光通書降官屢黜不變朱子嘗稱其剛毅近仁有默成文集
洪皓字光弼鄱陽人徽宗政和五年進士高宗建炎三年以徽猷閣待制假禮部尚書為大金通問使金人迫使事劉豫不從流

遞冷山復徙燕京凡留金十五年而歸以忤秦檜貶官安置英
州卒久之復徽猷閣學士諡忠宣皓節侔蘇武文章開迺邁遵
之先惜全集不傳僅存鄱陽集四卷

朱松字喬年別字韋齋新安人徽宗政和八年同上舍出身官至
吏部員外郎高宗時以爭和議忤秦檜出知饒州主管台州崇
道觀卒松爲朱子之父初以詩名後宗程子之學爲趙鼎所重
以忤檜罷官其學問氣節文章皆足爲朱子先導有韋齋集
王庭珪字民瞻廬陵人徽宗政和八年進士調衡州茶陵丞與上
官不合歸隱盧溪坐以詩送胡銓流嶺南孝宗召賜國子監主
簿終直敷文閣庭珪詩文皆卓然可傳楊萬里卽其弟子生平
六經皆有著述易解更精今無一存者止存詩文名盧溪集
韓駒字子蒼蜀仙井監人徽宗政和中召試賜進士出身官至權
直學士院南渡時知江州卒駒從蘇轍學政和初嘗坐蘇黨貶
官其詩頗涉豫章之格磨淬剪裁不吝改竄故所存不多有陵

陽集

朱翌字新仲自號澗山居士舒州人徽宗政和中登進士第南渡
後官中書舍人翌父從蘇黃游具有家學周必大以杜牧擬之
今文佚詩存有猗覺寮雜記澗山集

朱震字子發荆門軍人徽宗政和中登進士第南渡後以趙鼎薦
講易稱旨除祠部員外郎歷遷秘書少監官至翰林學士著漢
上易集傳

綦崇禮字叔厚高密人後徙濰之北海登徽宗重和元年上半年第
任縣主簿高宗南渡爲起居郎歷官寶文閣學士知紹興府卒
贈左朝諫大夫崇禮草秦檜罷政制直書其惡幾蹈危禍其四
六惟浮溪可以伉行有北海集

張嶠字巨山襄陽人徽宗宣和三年上舍中第高宗紹興九年除
司勳員外郎累遷敷文閣待制知衢州終於提舉江州太平興
國宮嶠附檜得進旋爲檜疑万俟卨論罷之而奏議多切事勢

有紫薇集

劉一止字行簡湖州歸安人徽宗宣和三年進士官至監察御史高宗紹興初歷給事中以敷文閣直學士致仕一止以忤檜去官風節甚高其詩文亦為呂本中陳與義韓元吉所推重有苕溪集

岳飛字鵬舉湯陰人徽宗宣和四年應募擒相州劇賊補官遷秉義郎高宗建炎初隸宗澤為統制紹興時由鄂岳制置使累官至樞密副使封少保以梗和議寃死獄中三十九孝宗立復其官號忠烈諡武穆後封鄂王有武穆遺文

張節夫字子亨河朔人豪邁尚氣節岳飛幕客為撰謝講和赦表檜讀之切齒

曹勛字功顯陽翟人以父恩補承信郎徽宗宣和五年賜進士欽宗靖康初為閤門宣贊舍人從徽宗北遷渡河奉敕遁歸為執政所忌補外高宗紹興十一年充報謝副使使金奉梓宮章太

后歸拜昭信軍節度使加太尉請祠卒贈少保諡忠靖勛奉使往還其詩文可以考見時事詞采亦復斐然有北猗見聞錄松隱集

王洋字元渤山陽人以省試第二名中徽宗宣和六年甲科高宗紹興初累官起居舍人知制誥直徽猷閣洋工詩文尤善內外制詞有東牟集

王之道字彥猷廬州人自號相山居士徽宗宣和六年進士調歷陽丞高宗時累官河南轉運判官以朝奉大夫致仕其後子藺官樞密使追贈太師之道當金兵南下有保守廬城功南渡後又以爭和議忤檜謫監南雄鹽稅幹畧氣節皆足稱其疏書亦暢朗可誦有相山集

金安節字彥亨休寧下東人徽宗宣和六年進士歷官吏部尚書封休寧縣子卒贈少保諡忠肅安節為殿中侍御時即劾罷秦檜之兄梓孝宗即位又諫止內侍龍大淵曾觀除知閤門內事

風裁甚峻張浚嘗謂金給事真金石人云

黃彥平字季岑號次山登徽宗宣和進士高宗建炎初仕至吏部郎中出提點河南刑獄彥平在靖康時坐與李綱善貶官南渡後亦多所建白蓋剛正有識之士也有三餘集

胡寅字明仲號致堂崇安人安國子中徽宗宣和進士除校書郎官司門員外郎時金人議立異姓寅與張浚趙鼎逃太學中不書議高宗建炎三年擢起居郎官至禮部侍郎坐與李光通書落職責新州安置檜死復其官卒諡文忠寅守二程之學安國與檜契交及檜當國寅絕不與通至遭流竄氣節文章並著有讀史管見崇正辨斐然集

程俱字致道衢州開化人徽宗時舉進士試南宮第一廷試中甲科歷官禮部郎高宗建炎中知秀州仕至徽猷閣待制封新安縣伯俱在諫垣著氣節文章於制誥尤擅場著有麟臺故事北山小集

石公揆字道佐新昌人參蔡京之御史中丞公弼從弟也高宗時為侍御史極論秦檜朋比章凡十上檜罷職及檜再相遂坐廢公揆氣節與兄伯仲詩文已不傳石氏家乘中尙存劾秦檜章二篇

張元幹字仲福建永福人自號真隱山人徽宗時太學上舍歷官至大監元幹及識蘇軾又從陳瓘遊所交游酢楊時朱松李綱皆一時名賢南渡後以作詞送胡銓得罪除名其品學皆有所承著蘆川歸來集

胡宏字仁仲號五峯崇安人安國季子以廕補右承務郎上書忤秦檜久不調檜卒被召以疾辭秦檜為宏父執欲力引之宏蕭然自遠品節甚高文章亦卓然可傳有皇王大紀知言五峯集鄧肅字志宏南劍沙縣人少與李綱善父喪哀毀芝產其廬入太學作詩諷花石綱被斥欽宗召補承務郎賜進士出身張邦昌僭立肅奔赴行在高宗擢為右正言後以奏留李綱忤執政罷

歸肅三月諫垣上二十餘疏言皆切至有柝欄集

孫覲字仲益晉陵人徽宗末年蔡攸薦爲侍御史欽宗時官吏戶
二部侍郎翰林學士高宗建炎初貶峽州黃潛善汪伯彥薦之
使掌誥命以贓罪斥提舉鴻慶宮歸隱太湖年九十餘卒覲進
由蔡氏攸敗卽劾之詆李綱附汪黃爲李璫莫升作墓碑其誌
万俟卨表其殺飛爲功顛倒是非不齒人類而工於詩文四六
尤佳與汪藻蔡崇禮相頡頏有鴻慶居士集

尹焞字彥明洛人力學家居欽宗靖康中賜號和靖處士金人克
洛焞遇害復甦高宗紹興中召爲侍讀除權禮部侍郎金人議
和焞力爭不聽辭職歸焞師事程頤應舉發策有誅元祐諸臣
議不對而歸頤嘗曰我死而不失其正者尹氏子也有和靖集
馬伸字時中一字仲時東平人受業程頤雖顛沛不去欽宗靖康
初擢監察御史金人立張邦昌伸爲議狀乞存趙氏金人旣退
伸上書邦昌請避位邦昌得書氣沮議迎康王高宗卽位擢殿

中侍御史奏劾汪黃責濮州監酒稅潛善使人斃于道中天下
冤之紹興初詔贈諫議大夫

張浚字德遠綿竹人欽宗靖康初以進士爲太常簿金人立張邦
昌獨浚與趙鼎不書議高宗遷殿中侍御史至吳門節制軍馬
苗劉之亂高宗反正浚力居多官至右僕射孝宗卽位除少傅
封魏公爲樞密使卒贈太師諡忠獻浚輕銳好名致有富平淮
西符離三敗可謂志大才疏心忠識闇生平遂於易學有紫巖
易傳

呂本中字居仁壽州人好問之子公著曾孫以公著恩授承務郎
欽宗初官祠部員外郎高宗紹興六年賜進士擢起居舍人官
至權直學士院爲秦檜所怒劾罷卒諡文清學者稱東萊先生
著作極富有春秋集解童蒙訓紫微雜說東萊詩集

趙霈字里未詳官工部侍郎趙忠簡斥其妬賢長惡
耿延禧字里無考高宗建炎初由詞垣擢龍圖閣直學士使金

劉子翬字彥冲崇安人劉幹季子以父任承務郎幹死靖康之難子翬通判興化軍後移疾歸隱武夷山與胡憲劉勉之講學學者稱屏山先生朱子之師也子翬具經緯才而未展詩文皆無語錄習氣著屏山集

王德明字俊卿東陽人東坡所薦士也有鈍齋集

王蘋字信伯福清人高宗紹興初趙鼎薦於朝賜進士出身除祕書省正字官至著作佐郎爲秦檜所惡文致奪官蘋傳伊洛之學有王著作集

蘇籀字仲滋眉州人蘇轍之孫蘇遲之子南渡後居婺州官至監丞籀迎合秦檜有忝乃祖詩文尙能承其家風著欒城遺言雙溪集

蘇簡字伯業籀弟著山堂集已佚

陳東字少陽鎮江丹陽人欽宗時貢入太學嘗伏闕上書請去蔡京梁師成李邦彥朱勔王黼童貫而用李綱高宗卽位召至行

在又劾黃潛善汪伯彥爲二人所構論死後追贈朝奉郎祕閣

修撰東以忠義之氣發爲文章有靖炎兩朝聞見錄少陽集

歐陽澈字德明崇仁人高宗建炎初徒步走行在上書請誅黃潛

善汪伯彥與陳東俱論死汪黃敗後追贈祕閣修撰有歐陽修撰集

高登字彥先號東溪漳浦人徽宗宣和閒爲太學生高宗紹興二

年舉于禮部授富川簿調靖江古縣令爲胡舜陟誣構下獄事

白爲秦檜所恨謫死容州金人入寇登與陳東伏闕上書請誅

蔡京童貫六賊而用李綱种師道欽宗起用李邦彥登上五書力爭南渡又見惡於秦檜其忠憤敢言之氣朱子稱其能使人

聞風興起云有東溪集

曾幾字吉甫贛縣人徙居河南以兄弼卹恩授將仕郎歷官江西

提刑忤秦檜去位僑寓上饒茶山寺自號茶山居士檜死起知

台州召爲祕書少監擢禮部侍郎提舉玉隆觀致仕卒諡文清

幾居官清正少從劉安世遊著易釋象已佚文亦不傳詩學黃庭堅有茶山集

朱弁字少章婺源人朱子之從祖也弱冠入太學高宗建炎初議遣使問兩宮弁自薦爲通問副使金人逼使仕劉豫不從又欲易其官不可紹興十三年和議成得歸秦檜怒其言敵情僅轉奉議郎卒有曲洧舊聞

王銍字性之汝陰人自稱汝陰老農高宗紹興初以薦爲樞密院編修官忤秦檜被斥居廬山後避地剡溪山中以觴詠自娛詩近溫李著有補侍兒小名錄默記國老談苑雪溪詩集

蘇庠字養直澧州人以病目自號眚翁後徙居丹陽之後湖更號後湖病民紹興閒與徐俯同召徐赴蘇不起人皆高之著後湖集今佚

唐相南渡初人

徐俯字師川洪州分寧人以父禱死事授通直郎紹興初賜進士

出身官至端明殿學士權參知政事俯爲山谷之甥其詩自爲一家不襲豫章靖康末多有改名避僞楚諱者俯名其婢曰昌奴頗以名節自任著東湖集今佚

康與之字伯可渡江初以詞受知高宗官至郎中與之嘗上高宗中興十策聲名甚著後附會秦檜且以歌詞貢諛兩宮人遂比之柳耆卿輩檜死亦貶五羊著順庵樂府

胡銓字邦衡江西廬陵人高宗建炎二年進士甲科紹興五年以薦除樞密院編修上封事詆和議謫吉陽軍孝宗卽位擢起居郎歷官至權兵部侍郎以資政殿學士致仕卒諡忠簡銓師蕭楚明于春秋其請誅秦檜一疏金人至以千金購之孝宗時又請誅湯思退孤忠勁節彪炳千秋而文章亦足以副之有春秋解周禮解澹菴文集

李易字順之江都人高宗建炎二年駐蹕維揚策進士第一授簽書江陰軍判官紹興元年由太常博士轉工部員外郎爲太常

少卿遷中書舍人改直祕閣知揚州官至敷文閣待制提舉江州太平觀卒于秀州

賈廷佐字口口東陽人登紹興進士以迪功郎任桐廬縣主簿累

官大理司直時秦檜主和議廷佐力言不可乞斬王倫以謝天

下忤檜出通判湖州後知處州致仕有善願集愚齋雜著皆佚

胡瑛字德輝晉陵人能詩文墨隸皆精好初師楊時繼奉時命師

劉安世嘗為李忠定幕官趙忠簡為相德輝為史官紹興講和

議德輝與朱松等合疏爭之出知嚴州著元城道護錄今佚

廖剛字用中南劍州人高宗紹興初為吏部員外郎官至御史中

丞王次翁希檜旨劾之奉祠卒剛為楊時弟子初主和議後知

其非庭責鄭億年且請起舊相有德望者以此忤檜罷官不失

為改過之君子著有高峯文集

馮時行字當可壁山人嘗居縣北縉雲山授徒因以為號紹興初

嘗為丹稜令官終提點成都刑獄公事時行與會開朱松共斥

和議忤檜坐貶詩文亦具忠義之氣有縉雲集

張九成字子韶自號無垢居士其先開封人徙居錢塘高宗紹興

二年進士第一人授鎮東軍僉判歷仕至刑部侍郎忤秦檜謫

居南安軍檜死起知温州丐祠卒贈太師崇國公諡文忠九成

少師楊時後乃雜以禪學然忤權奸斥闔官危行讜言大節足

稱有孟子傳橫浦集

鄭剛中字亨仲金華人高宗紹興二年進士官至禮部侍郎出為

川陝宣撫副使謫居桂陽軍又責濠州團練使復州安置再徙

封州卒後追復原官諡忠愍剛中由秦檜進依附和議後以專

擅忤檜竄謫而死人不足道其詩文有古法度著周易窺餘西

征道里記北山集

仲并字彌性江都人高宗紹興二年擢進士為教官由京秩改倅

京口孝宗擢光祿丞出知蘄州并學師孔孟其進也以朱勝非

張浚其退也以秦檜出處甚正著有浮山集

汪應辰字聖錫信州玉山人初名洋高宗紹興五年登進士第一
改賜今名授鎮東軍僉判官至敷文閣學士四川制置使應辰
少從張九成胡安國遊與呂祖謙張栻相善學有淵源其官祕
書省正字時以忤檜補外在高孝兩朝剛直敢言著文定集
任盡言字元受眉山元符諫官伯雨之孫與兄質言同舉高宗
紹興五年進士仕太常寺主簿官終閩憲論事慷慨著小醜集
今佚

陳淵字知默亦字幾叟沙縣人璫姪孫也高宗紹興七年詔舉直
言極諫之士以胡安國薦除御史官至宗正少卿淵為楊時弟
子其劄子首闢王安石詆秦檜糾鄭億年皆侃侃不阿終為檜
忌嫉何鑄論罷之嘗榜所居之室曰默堂有默堂文集
黃公度字師憲莆田人高宗紹興八年進士第一任簽書平海軍
節度判官歷官考功員外郎公度與趙鼎善為檜所忌謫守南
恩立品甚端著有知稼翁集

陳長方字齊之侯官人高宗紹興八年進士官江陰縣學教授少
孤奉母依其外祖林旦于吳家于步里學宗程氏為朱子所推
重有步里客談唯室集

王之望字瞻叔襄陽穀城人後寓台州高宗紹興八年進士累遷
太府少卿孝宗除戶部侍郎官至參知政事終資政殿大學士
知温州卒之望當秦檜柄政落落不合乃隆興初附湯思退主
和議割地啖敵人以此少之有漢濱集

葛立方字常之丹陽人勝仲之子高宗紹興八年進士歷官吏部
侍郎忤秦檜罷歸自號歸愚居士有歸愚集

李燾字仁父一字子真號巽巖丹稜人高宗紹興八年進士官至
敷文閣學士贈光祿大夫諡文簡燾立朝以剛正稱無嗜好博
極羣書究心掌故有說文解字五音韻譜續資治通鑑長編六
朝通鑑博議諸書張栻謂燾長編一書用力四十年可繼春秋
之後

范浚字茂明蘭溪人高宗紹興中舉賢良方正以秦檜當國不赴
隱于香溪浚立品甚高其心箴爲朱子所取名重儒林有香溪
集

鄭興裔字光錫初名興宗顯肅皇后外家三世孫高宗時以后恩
授成忠郎充幹辦祇候庫官至武泰軍節度使卒贈太尉諡忠
肅中興外族之賢以興裔爲最歷仕四朝條奏一切弊政詞意
剴切有鄭忠肅奏議遺集

曾協字同季江西南豐人曾肇之孫曾纁之子高宗紹興中舉進
士不第以世賞官長興丞仕至臨安通判權知永州事卒有雲
莊集

林季仲字懿成永嘉人登進士第歷官太常少卿知婺州自號蘆
山老人季仲爲趙鼎所薦後以沮和議得罪在紹興中爲清流
之望有竹軒雜著

林之奇字少穎號拙齋侯官人官至宗正丞辭祿家居受業於呂
本中以授呂祖謙著述甚富有尙書全解拙齋全集

唐文若字立夫眉山人庚之子第進士官至中書舍人

周紫芝字少隱宣城人紹興中登第歷仕樞密院編修官出知興
國軍自號竹坡居士紫芝貢諛秦檜及熺品不足稱而詩文甚
夥有太倉稊米集

李浩字德遠臨川人高宗紹興十二年進士孝宗朝歷官直寶謨
閣知靖江府召還擢權吏部侍郎旋予祠除秘閣修撰帥夔部
卒贈集英殿修撰

林栗字黃中福清人高宗紹興十二年進士官至兵部侍郎與朱
子論易不合上疏論劾罷知泉州移明州卒諡簡肅著周易經
傳集解

洪适初名造後更今名字景伯江西饒州鄱陽人皓長子高宗紹
興十二年中博學宏詞科皓謫英州适亦罷職檜死起适提舉
江東常平官至尙書右僕射卒諡文惠适與弟遵及邁皆工制

科世稱三洪散體及詩亦有元祐之遺著隸釋隸續盤洲集
洪遵字景嚴鄱陽人皓仲子與兄适同中高宗紹興十二年博學
宏詞科賜進士出身爲祕書省正字歷官徽猷閣直學士孝宗
詔除翰林學士承旨拜同知樞密院事資政殿學士卒諡文安
遵守太平有政績與兄适弟邁同以詞業稱著小隱集今佚有
翰苑羣書泉志

史浩字直翁鄞縣人高宗紹興十四年進士官國子博士孝宗爲
建王浩以司封郎中兼直講卽位後遷翰林學士知制誥累官
右丞相致仕卒諡文惠寧宗追封越王改諡忠定浩宅心寬厚
謀國老成故與趙鼎配享高廟著有尙書講義卽峯真隱漫錄
洪邁字景盧江西鄱陽人皓季子高宗紹興十五年中博學宏詞
科官至端明殿學士卒諡文敏邁博極載籍與适遵先後試宏
詞科拜中書舍人時論榮之著有史記法語南史精語容齋五
筆夷堅支志文敏文集野處類稿

周麟之字茂振海陵人高宗紹興十五年進士中宏詞科任起居
舍人官至同知樞密院事麟之珥筆禁廷所作多內外制詞名
海陵集

王稱字季平眉州人父賞爲實錄修撰稱承其學輯成東都事略
洪邁奏進其書詔以承議郎知龍州特授直祕閣

唐仲友字與政金華人高宗紹興中登進士第復中宏詞科出守
台州有政績後與朱子忤爲朱子論罷著有帝王經世圖譜說
齋文粹

李遠字器之紹興中人

陳克字子高臨海人高宗紹興中爲敕令所刪定官自號赤城居
士僑居金陵詩多情致詞尤工著天台集

鄭樵字漁仲莆田人高宗紹興十九年上其所作通志授禮兵部
架閣學者皆稱夾漈先生樵銳于著述自命太狂所著存于今
者有爾雅注通志夾漈遺稿

崔敦禮字口口本河北人南渡後遷居溧陽與弟敦詩同登紹興進士官至諸王宮大小教授著有芻言宮教集

崔敦詩字大雅本河北人南渡後遂居溧陽登高宗紹興進士官至中書舍人著有王堂類稿西垣類稿

朱熹字元晦一字仲晦婺源人中紹興十八年進士主同安簿孝宗時官至兵部郎中光宗時官祕閣修撰寧宗時煥章閣待制除宮觀沈繼祖誣熹十罪罷祠卒韓侂胄死賜諡曰文理宗寶慶三年追封信國公改徽國淳祐元年詔周張二程及熹從祀孔子廟朱子品望理學今古推崇卽文章亦能奄有韓曾所長爲南宋大宗著周易本義詩集傳儀禮經傳通解大學中庸章句論語孟子集注四書或問論孟精義通鑑綱目伊雜源淵錄名臣言行錄紹熙州縣釋奠儀圖延平問答近思錄雜學辨小學集注楚詞集注韓文考異晦菴集

尤袤字延之無錫人少以奇童補太學高宗紹興十八年進士宰

泰興禦金人完城守民立生祠官至禮部尙書諡文簡袤少從楊時弟子喻樗遊學有淵源以文字受知高宗立朝侃直藏書甚富有遂初堂書目當時有尤楊范陸之稱所著遂初小稿內外制梁谿集並佚康熙中裔孫尤侗哀輯其詩文一卷名梁谿遺稿

辛棄疾字幼安齊之歷城人爲耿京掌書記高宗紹興三十二年勸京奉表歸宋授承務郎孝宗立改判建康寧宗時召爲樞密都承旨卒後謝枋得請於朝諡忠敏棄疾具文武經濟才尙氣節所交多海內名士人仿之温嶠陶侃惜未竟其用嘗言人生以力田爲先故以稼名軒善長短句有稼軒集

晁公遯字子西鉅野人著讀書志公武之弟也初官縣尉仕至提刑文章亦有景迂雞肋餘風著嵩山居士集

李石字知幾資陽人本名知幾後感夢兆改今名而以知幾爲字舉進士高第高宗紹興末以趙逵薦任太學博士終成都轉運

判官石爲成都學官就學者如雲古今蜀學推最盛居官尙品節文章淵源蘇氏有方舟易學續博物志方舟集

鄭裕紹興間莆田人

周必大字子充一字宏道廬陵人高宗紹興二十一年進士中宏詞科權中書舍人孝宗朝歷左丞相光宗拜少傅進益國公寧宗朝以少傅致仕卒贈太師諡文忠寧宗篆其墓曰忠文耆德之碑必大歷仕四朝爲南渡名臣著述甚富其子論都爲二百卷曰文忠集

程大昌字泰之休寧人高宗紹興二十一年進士歷官權吏部尙書出知泉州建寧府以龍圖閣直學士致仕卒諡文簡有易原禹貢論詩論雍錄攷古錄演繁露等書復著文簡集不傳

蕭德藻字東夫閩清人高宗紹興二十一年進士嘗令烏程遂家焉能詩楊誠齋稱近世詩人若范石湖之清新尤梁谿之平淡陸放翁之敷腴蕭千巖之工致皆余所畏云所居屏山自號千

巖老人著千巖擇稿

張孝祥字安國歷陽烏江人高宗紹興二十四年進士第一官至荆南湖北路安撫使以顯謨閣直學士致仕孝祥廷試高宗拔置第一而抑秦塤爲第三遂遭秦檜之怒誣陷繫獄迨孝宗時依違於張浚湯思退之間人皆譏其持兩端作詩文以蘇軾自許今文佚詩存名于湖集

虞允文字彬甫仁壽人登高宗紹興二十四年進士第官至左丞相兼樞密使封雍國公卒諡忠肅允文采石之捷于南宋有再造功出入將相垂二十年忠勤無二人以裴度方之

范成大字致能號石湖居士吳郡人高宗紹興二十四年進士授戶曹孝宗時累官權吏部尙書參知政事進資政殿學士提舉洞霄宮卒諡文穆成大立朝有氣節使金尤著風骨其詩在南宋與尤袤楊萬里陸游稱四大家石湖文集已不傳所傳者有驂鸞錄吳船錄吳郡志桂海虞衡志梅譜菊譜石湖詩賦集

楊萬里字廷秀號誠齋吉水人高宗紹興二十四年進士調零陵丞官至寶謨閣學士致仕卒諡文節萬里立朝剛直韓侂胄招之不往後知其北伐啟憂憤不食而卒其忠蓋千載下如見之尤以詩名為南宋四大家之一著有誠齋易傳庸言誠齋集

王十朋字龜齡樂清人高宗紹興二十七年進士第一官至龍圖閣學士諡文忠十朋立朝剛直守郡皆有惠政為一代偉人文有元祐遺風著會稽三賦梅溪集

吳儆字益恭初名偁避秀邸諱改名休寧人高宗紹興二十七年進士歷朝散郎廣南西路安撫使主管台州崇道觀卒諡文肅儆與朱子張栻呂祖謙善居官有吏才文得元祐桀範有竹洲集

史堯弼字唐英眉川人高宗紹興二十七年進士未受官早卒堯弼幼即不凡為張浚所器詩文有蘇軾遺風著蓮峯集

方恬字元養

王質字景文興國人高宗紹興三十年進士官至樞密院編修右正言出通判荆南府改吉州奉祠卒質立朝有氣節為中貴所沮外遷遂絕意仕祿立品亦高文章雅健長於論古嘗著樸論五十篇已佚傳于今者有詩總聞紹陶錄雪山集

王子俊字巨臣吉水人安丙帥蜀嘗辟為制置使屬官其始末莫詳著史論師友緒言三松類稿皆佚僅存格齋四六一卷

倪樸字文卿浦江人居石林村因為號紹興末為萬言書擬上高宗而不果後為里人所構徙置筠州遇赦得還樸精于地理嘗著輿地會元志今佚有倪石陵集

薛季宣字士龍號艮齋永嘉人起居舍人徽言之子高宗紹興二十九年從荆宜帥辟寫機宜文事以王炎薦為大理主簿出知湖州改常州卒季宣少師袁溉為程門再傳弟子晚與呂祖謙朱子善博通經史兼及天官地理兵農樂律鄉遂司馬之法學

有體用是為永嘉派蓋周行已開其源季宣導其流也著有書
古文訓浪語集

韓元吉字无咎宰相維之元孫以廕補官仕至龍圖閣學士吏部
尚書嘗居廣信溪南自號南澗居士元吉為尹焞弟子又與朱
子交學問具有淵源呂祖謙其壻也詩文皆卓犖可傳著有桐
陰舊話南澗甲乙稿

陸游字務觀號放翁山陰人佃之孫宰之子以廕補登仕郎孝宗
隆興初賜進士出身官至寶謨閣待制游立朝頗著風采後以
為侂胄作南園閱古泉記見譏清議然忠愛出于天性其詩為
宋大家稱首文章法度謹嚴亦為南渡有數作家著有入蜀記
南唐書老學菴筆記劍南詩集渭南文集

熊克字子復建陽人初知諸暨縣孝宗時官至起居郎兼直學士
院出知台州子祠卒克居官以清介稱博學強識著中興小紀
其文曰四六類稿今佚

章憲字叔度本浦城人其父徙居吳之黃村操履高潔隱居不仕
遊於楊時朱震之門尤邃春秋學者稱為後軒先生著後軒集
今佚

趙汝愚字子直楚恭憲王元佐七世孫居餘干縣擢進士第一孝
宗時仕至集英殿修撰出為四川制置光宗朝官同知樞密院
事寧宗初立以右丞相柄政為韓侂胄所間安置永州至衡州
守臣錢鏊虐之暴卒侂胄誅復原官諡忠定汝愚決策內禪有
社稷功立朝引用正人天下望治卒以疏略為侂胄所排人皆
冤之嘗編名臣奏議行于世

劉翰字武子長沙人高宗紹興間遊于張于湖范石湖之門以詩
名著有小山集

南宋文範作者考下

呂祖謙字伯恭好問之孫金華人孝宗隆興元年進士復中博學
 宏詞科官至直祕閣著作國史院編修卒諡曰成郡人祀之祖
 謙以關洛爲主而無門戶之見浸淫經史言必有宗朱子同時
 諸儒品學足與相匹者惟祖謙與張栻耳著作宏富有古周易
 書說呂氏家塾讀詩記春秋左氏傳說續說左氏博議十七史
 詳節東漢精華少儀外傳歷代制度詳說東萊集
 張栻字敬夫廣漢人丞相浚之子以廕補官孝宗時歷左司員外
 郎除祕閣修撰仕至荆湖北路安撫使與祠卒栻師胡宏而友
 朱子學問醇正居官亦多治績朱子編定其詩文爲南軒集
 林光朝字謙之福建莆田人登孝宗隆興元年進士官至集英殿
 修撰知婺州卒光朝嘗從陸子正遊爲尹焞再傳弟子在舍人
 日繳還謝廓然詞頭爲士論所推學問氣節並著不特能文也
 著有艾軒集

樓鑰字大防鄞縣人自號攻媿主人孝宗隆興元年進士知樂清縣官至參知政事除資政殿大學士提舉萬壽觀卒諡宣獻鑰立朝嚴正嘗以奏留朱子彭龜年為侂冑所惡奪職文辭精博其試南宮時即為考官胡銓所稱著有范文正年譜攻媿集虞儔字壽老寧國人孝宗隆興初入太學舉進士為績溪縣累官兵部侍郎奉祠卒儔為御史搏擊權貴知湖州時行荒政活人甚眾慕白居易之為人以尊白名堂散體文僅存制誥劄子并詩為尊白堂集

李呂字濱老一字東老邵武軍光澤人恬退力學朱子稱其負經事綜物之才老而不遇其子朱子弟子也呂有六十四卦義說讀資治通鑑論數十篇皆佚不傳今存詩文名澹軒集袁說友字起巖建安人流寓湖州登孝宗隆興元年進士寧宗嘉泰中官至同知樞密院參知政事卒說友學問淹博文章有元祐遺風其遠慮嘉猷深為魏鶴山推重輯成都文類著東堂集

王阮字南卿德安人王韶曾孫孝宗隆興元年進士官至撫州守奉祠歸阮少尚氣節自稱將種從學朱子推其術略過人以拒侂冑之招至罷官歸隱廬山吳愈序其文為賈晁韓柳今已不傳詩學蘇黃僅存義豐集一卷

張續字季長蜀之唐安人孝宗隆興元年進士官大理少卿姜特立字邦傑麗水人以父綬殉靖康難廕承信郎孝宗時遷閣門舍人充春坊官寧宗時官至慶遠軍節度使卒特立恃光邸舊人攬權忤勢屢為廷臣所糾人不足道詩文特可觀有梅山續藁

羅願字端良號存齋歙縣人以廕補承務郎孝宗乾道二年登進士第通判贛州官至知鄂州卒願父汝楫犯天下之公怒願則居官循謹問學賅博其文章高雅深厚有西漢風南宋人中允稱絕作著有爾雅翼新安文獻志鄂州小集周孚字信道濟南人自號蠹齋寓家丹徒孝宗乾道二年進士官

真州教授孚七歲卽通春秋長於經學有蠹齋鉛刀編

倪思字正父歸安人孝宗乾道二年進士淳熙五年中宏詞科爲

著作郎官至禮部尚書以忤史彌遠罷卒謚文簡思立朝剛介

名重天下有班馬異同寶刻叢編經鉅堂雜志等書所著齊齋

翰林掖垣兼山諸集今佚

鄭倬字溥之閩縣人孝宗乾道二年進士光宗初爲祕書郎官至

直學士院草趙汝愚罷相制坐無貶辭免卒謚文肅

蔡戡字定夫其先興化軍仙遊人端明殿學士襄之四世孫祖紳

於紹興中移寓常州武進縣戡以門蔭補溧陽尉後中孝宗乾

道二年進士官至寶謨閣直學士立朝鯁挺不阿仕外皆有政

績爲南渡名臣不獨以文字見也有定齋集

衛博字里無考孝宗乾道四年嘗爲樞密院編修官旋致仕博以

四六擅長爲一時卿相所羅致有定庵類藁

王炎字晦叔婺源人號雙溪孝宗乾道五年進士令臨湘官至軍

器少監炎學問醇正詩文博雅受學於張栻又與朱子友善經

史皆有著述總題曰雙溪類稿今已無傳僅存詩文名雙溪集

彭龜年字子壽清江人孝宗乾道五年進士以薦除太學博士官

終湖北安撫使以寶謨閣待制致仕侂冑誅賜謚忠肅龜年立

朝侃直其叩額請光宗過宮至於血漬鬢髮奏劾侂冑與俱罷

有古直臣風著止堂集

曾丰字幼度樂安人孝宗乾道五年進士官至知德慶府事丰爲

真德秀之師仕宦不顯而著述精卓晚年築室自號曰擗齋有

緣督集

楊簡字敬仲慈溪人孝宗乾道五年進士授富陽簿官至寶謨閣

學士大中大夫簡首傳金谿之學持論入禪然歷官治績皆可

紀朱子首薦之有楊氏易傳五誥解慈湖詩傳先聖大訓詩文

名慈湖遺書

陸九韶字子美撫州金谿人九齡之弟九淵之兄築室梭山講易

其中自號梭山老圃

陳傅良字君舉號止齋溫州瑞安人孝宗乾道八年進士官至中書舍人寶謨閣待制謚文節傅良師鄭伯熊薛季宣而友呂祖謙張栻講求經制之學不事空談文章能自成一家有春秋後傳永嘉八面鋒止齋論祖止齋文集

陸九淵字子靜金谿人自號象山孝宗乾道八年進士薦除國子正官至知荆門軍卒謚文安九淵學問經濟皆卓卓可傳其論學雖與朱子不合亦各行其是有象山集

舒璘字元質一字元賓奉化人孝宗乾道八年進士授信州教授官至宜州通判理宗淳祐中追謚文靖璘具經濟才而未施用以儒林稱有舒文靖集

劉燾字晦伯建陽人歷知閩縣官至國子祭酒卒謚文簡燾從朱子遊學有淵源其論奏尤切時弊有雲莊集

員興宗字顯道仁壽人讀書九華山因以自號用薦除教授召試

擢著作郎國史編修實錄院檢討孝宗乾道中疏劾權倖中讒奉祠去僑居潤州以終興宗與張栻陸九淵善遇事敢言雖斥不悔氣節甚高文章亦一名家有辨言九華集

趙善括字□□隆興人太宗七世孫由進士為常熟令官終岳州漕帥佐善括與辛棄疾友詞氣駿邁似之奏劄簡切有應齋雜著

何鎬字叔京邵武人程子弟子朱子之友也以父任補官泉州安溪主簿仕至潭州善化令著易論語說史論詩文今皆佚

蔡沈字仲默號九峯建陽人元定之子也受業於朱子隱居九峯當世名卿將薦用之不就著書集傳洪範皇極內外篇

呂祖儉字子約婺源人好問之孫祖謙之弟監明州倉除籍田令以言事忤韓侂胄安置韶州移吉州卒著大愚集今佚

劉光祖字德修簡州人登進士第光宗即位授殿中侍御史寧宗遷起居郎韓侂胄擅權謫房州侂胄誅起知潼州府卒謚文節

趙汝愚稱光祖論諫激烈似蘇軾懇惻似范祖禹世以為名言程洵字允夫婺源人由累舉官衡陽主簿轉廬陵錄事參軍卒朱

子內弟也嘗受學於朱子有尊德性齋小集

呂皓字子陽永康人學於林大中以出粟賑濟為朱子所薦補郡文學父兄為仇家誣構逮繫大理皓叩匭上書鳴冤孝宗特釋之再試禮部不第遂隱居郡守交薦皆不起有遁思遺稿事監

韻語今佚

陳造字唐卿高郵人孝宗淳熙二年進士為繁昌尉官至淮南安撫使參議卒造自謂無補於世宜置江湖遂號江湖長翁文章

恢奇凝鍊南宋集中不多得也有江湖長翁集

孫應時字季和自號燭湖居士餘姚人孝宗淳祐二年進士為黃

巖尉官至常熟縣移判邵武軍未上卒應時在蜀帥邱密幕即逆知吳曦之叛史彌遠其弟子柄政時超然自遠識略品節俱

高有燭湖集

項安世字平甫江陵人孝宗淳熙二年同進士出身除祕書正字

官至太府卿權宣撫使時以擅殺幕官王度坐免安世立朝敢

言請光宗過重華宮諫御筆除朱子祠皆載於史又遷於經

學有周易玩辭項氏家說平庵悔稿

葉適字正則自號水心居士永嘉人孝宗淳祐五年進士為節度

判官以薦遷博士官至沿江制置寶謨閣學士卒諡忠定適官

博士時薦陳傅良等四十餘人號得士與朱子友善嘗以趙汝

愚黨罷官立品自正其文章原本經籍雄贍深厚為南渡大宗

有習學記言水心集水心別集

戴溪字肖望一字少望永嘉人孝宗淳熙五年別頭省試第一官

至工部尚書文華閣學士卒贈端明殿學士理宗嘉定時賜諡

文端著有續呂氏家塾讀詩紀

袁燮字和叔號絜齋鄞縣人孝宗淳熙八年進士調江陰尉官至

顯謨閣學士諡文獻燮以名節自期傳陸九淵之學以忤史彌

遠論罷著絜齋家塾書鈔絜齋毛詩經筵講義絜齋集

曹彥約字簡甫都昌人孝宗淳熙八年進士累官寶謨閣待制知

成都府理宗寶慶元年擢兵部侍郎轉禮部旋授兵部尚書辭

以華文閣學士致仕卒諡文簡彥約遊朱子之門作郡能平寇

侍經筵能陳納上封事能盡言皆有可稱有經幄管見昌谷集

王居安字資道黃巖人初名敬避祧廟嫌易之孝宗淳熙中授徽

州判官至右司諫理宗時知福州歸卒贈少保居安遇事敢言

帥隆興時有破賊奇功史稱其於兵事蓋不學而能云

衛涇字清叔華亭人徙居崑山孝宗淳熙十一年進士第一所謂

潮至夷亭出狀元是也官至參知政事封秦國公卒贈太師諡

文節衛氏世以文學知名涇為衛湜之兄與朱子友韓侂胄之

誅涇與謀焉立朝嘗疏劾易祓朱質林行風節甚著初號拙齋

居士改號西園居士後築堂成題曰後樂因以自號并名其集

曰後樂集

廖行之字天民其先自延平徙衡州孝宗淳熙十一年進士為岳

州巴陵尉以親老乞養歸有省齋集

高似孫字續古號疏寮餘姚人孝宗淳熙十一年進士歷官校書

郎出倅徽州遷守處州著有剡錄子略硯牋蟹略騷略疏寮小

集

裘萬頃字元量新建人孝宗淳熙十四年進士歷官大理寺司直

添差江西撫幹其詩為洪邁所推賞有竹齋詩集

喬行簡字壽明東陽人學於呂祖謙歷官淮南轉運判官至左丞

相理宗嘉熙四年封魯國公卒諡文惠

游次公字子明建安人號西池定夫諸孫禮部侍郎操之子范石

湖帥桂林日參內幕有唱酬詩卷

戴復古字式之天台黃巖人所居有石屏山因以自號從放翁遊

以詩名江湖間有石屏集

鄭湜字里未詳光宗紹熙元年為從政郎進治術十卷

周南字南仲吳郡人光宗紹熙元年進士官至祕書省正字薦入
詞館旋罷以文林郎終南長於四六爲葉適所推重有山房集
度正字周卿合州人光宗紹熙元年進士官至禮部侍郎正遊朱
子之門存心經濟時士大夫皆畏李全正獨疏言其必反品節
不媿師門有周子年譜性善堂藁

許志仁字信叔

杜旃字仲高金華人嘗爲湖漕舉首兄弟皆能詩時稱金華五高
兄伯高旃弟叔高旃季高旃幼高旃也與陸放翁戴石屏善詩
法老杜自稱裔孫有杜詩發微癖齋小集

劉宰字平國金壇人光宗紹熙元年進士調江陵尉仕至浙東倉
司幹官理宗授太常丞辭以顯謨閣主管玉局觀卒於家賜諡
文清宰睹北伐釁開卽退居漫塘三十年屢薦不起多從朱子
門人遊以著作自任有劉漫塘集

董道輔武陵人于湖張孝祥門人

徐照字道暉一字靈暉自號山民永嘉人與徐璣翁卷趙師秀號

永嘉四靈詩名芳蘭軒集

趙師秀字紫芝號靈秀永嘉人太祖八世孫光宗紹熙元年進士
官終高安推官永嘉四靈之一也詩名清苑齋集

劉過字改之自號龍洲廬陵人光宗紹熙時以詩遊江湖韓侂胄
嘗欲官之使金國以輕率漏言而罷過以叩閭上書請光宗過
宮得伉直聲才氣縱橫有龍洲集

陳亮字同甫婺州永康人光宗紹熙四年進士第一官建康軍節
度判官端平初追諡文毅亮與朱子善有志事功其文章才辨
縱橫直足開拓萬古之心胸推倒一世之智勇也有三國紀年

龍川文集

程秘字懷古休寧人以先世居洛因號洛水遺民光宗紹熙四年
進士授昌化簿理宗時官至禮部尙書翰林學士知制誥歷端
明殿學士封新安侯秘立朝以經濟自任有洛水集

黃幹字直卿號勉齋閩縣人寧宗朝補將仕郎歷知漢陽軍安慶府主管亳州明道宮致仕卒諡文肅幹為朱子之壻築城安慶能使金兵不擾在李鉅幕中又豫知光黃之失其識略皆長不獨以道學著也有勉齋集

徐璣字文淵一字致中號靈淵由晉江遷永嘉為建安主簿官至武當長泰令永嘉四靈之一也詩名二薇亭集

李鳴復字成叔瀘州人進士及第理宗端平淳祐中兩入樞府三為參知政事附史嵩之以顯

葛長庚字白叟閩清人別號白玉蟾為道士居武夷山寧宗嘉定間徵赴闕下封紫清真人著德道寶章白玉蟾集

姜夔字堯章鄱陽人寧宗慶元三年進樂書乞正雅樂詔令太常與議夔之不果行居苕溪隣白石洞天號白石道人與黃景說齊名景說亦號白石時稱雙白石夔詩風格高秀拔出江湖派之外誠齋石湖皆重之著有絳帖平續書譜白石詩集詩說

魏了翁字華文號鶴山臨邛人寧宗慶元五年進士官至資政殿大學士參知政事僉書樞密院事卒諡文靖了翁初以神童稱年十五作韓愈論已有作者風從輔廣李燔遊傳伊洛之學始忤韓侂胄補外後以史彌遠當國隱居品學俱優經術尤為南宋之冠著周易要義尚書要義儀禮要義春秋左傳要義經外雜鈔古今考正朔考讀書雜鈔鶴山全集

真德秀字希元浦城人寧宗慶元五年進士中詞科理宗紹定中拜參知政事進資政殿直學士提舉萬壽觀卒諡文忠德秀生朱子之鄉紹朱子之學輔運江東活人無算立朝不滿十年奏疏數十萬言中以史彌遠見忌罷祠實為寧理名臣稱首南宋一朝文章自朱子而外經術莫深於鶴山說理莫精於西山著有四書集編大學衍義讀書記心經政經文章正宗西山文集趙汝鏈字明翁袁州人太宗八世孫寧宗嘉泰二年進士授館職開禧三年被劾去官嘉定中起為鎮江筦榷務司有野谷詩集

洪咨夔字舜俞於潛人寧宗嘉泰二年進士歷官端明殿學士咨夔知龍州時毀鄧艾祠而祠諸葛亮立朝敢言初為史彌遠所忌後以史嵩之入相乞罷不獨文字工也有春秋說平齋文集方大琮字德潤號方壺莆田人寧宗開禧元年省試第三人歷官寶章閣直學士卒諡忠惠大琮為右正言時上疏論濟王之寃為蔣峴所劾與王逸劉克莊同日去國亦謬諤之士也有鐵庵集

杜範字成已黃巖人寧宗嘉定元年進士調金潭尉理宗淳熙中官至右丞相卒諡清獻範在理宗朝為名相其官御史攻李鳴復尤著風裁有清獻集

吳泳字叔永潼川人寧宗嘉定元年進士理宗時歷官起居舍人兼直學士院權刑部尚書終寶謨閣學士知泉州泳在朝屢進昌言論蜀中形勢尤詳明切中文章可繼眉山南宋一作手也有鶴林集

許應龍字恭甫閩縣人寧宗嘉定元年進士調汀州教授官至端明殿學士簽書樞密院事提舉洞霄宮應龍五歲通經治潮州有聲文章於制誥尤長有東澗集

戴栩字文子永嘉人寧宗嘉定元年進士為太學博士仕至湖南安撫使參議官栩獻詩頌貢諛史彌遠品不足稱而工於詩文有浣川集

陳文蔚字才卿上饒人嘗舉進士理宗端平二年都省言其所作尚書類編有益治道詔補迪功郎文蔚為朱子弟子篤信謹守之士也有克齋集

劉學箕字習之崇安人劉韜之曾孫子翬之孫理之子也閒居不仕自號種春子有堂曰方是閒故又號方是閒居士有方是閒居士小藁

華岳字子西貴池人寧宗嘉定武科第一為殿前司官謀去史彌遠事覺下獄杖死岳輕財好俠為武學生時即以上書請誅韓

侂胄下獄終爲彌遠所害氣節蓋陳東之流有翠微南征錄翠微北征錄

陳元晉字明父自蜀遷江西之崇仁寧宗嘉定四年進士授雩都尉歷官邕管安撫使元晉居官伉直所至有政聲嘗建漁墅書院因名其詩文爲漁墅類藁

程公許字季與一字希穎敘州宣化人寧宗嘉定四年進士歷官權刑部寶章閣學士知隆興府歸公許讜直敢言屢爲羣小所忌不安其位著有滄洲塵缶編

徐文卿字斯遠號樟邱玉山人寧宗嘉定四年進士與趙昌父韓仲止齊名著蕭秋詩集

袁甫字廣微鄞縣人變之子寧宗嘉定七年進士第一官至吏部侍郎兼國子祭酒權兵部尙書卒贈少傅諡正肅甫紹其家學在朝抗論不阿知徽州有善政其斥史嵩之史彌遠尤見骨鯁著有蒙齋中庸講義蒙齋集

李劉字公甫崇仁人寧宗嘉定七年進士仕至寶章閣待制長於駢儷有四六標準

韓澆字仲止號澗泉元吉之子饒人澆淵源家學隱居著述與趙章泉同以詩名世稱二泉有澗泉日記澗泉詩集

陳耆卿字壽老號篔簹台州臨海人寧宗嘉定七年進士官至國子司業耆卿爲葉適門人得其師傳爲南宋名家有嘉定赤城志篔簹集

嚴羽字儀卿一字丹邱邵武人自號滄浪逋客與嚴仁嚴參齊名號三嚴工詩有滄浪集滄浪詩話

李曾伯字長孺號可齋覃懷人邦彥之孫南渡後流寓嘉興歷官至觀文殿學士邦彥爲相有浪子之稱曾伯則才兼文武七開大闢皆有實績爲南渡名臣見忌於賈似道不竟其用有可齋雜藁續藁

劉克莊字潛夫號后村莆田人以廕入仕爲潮州倅官至龍圖閣

直學士卒諡文定克莊爲真德秀弟子晚乃失身於賈似道識者病之工於詩文有后村集

吳淵字道父柔勝子宣城人寧宗嘉定中進士調建德主簿官至參知政事封金陵侯淵治尙嚴酷時有蜈蚣之謠然所至有政績其不附史彌遠史嵩之尤具風裁有退庵先生集

嚴榮字坦叔一字明卿邵武人羽族弟也登進士第授清湘令戴石屏稱其詩學杜甫著有詩緝華谷詩

黃大受字德容自號露香居士南豐石門人傳朱子之學仕於鄞著政聲寧宗嘉定間以詩雄於江右有露香拾藁

吳潛字毅父宣州寧國人寧宗嘉定十年進士第一官至參知政事左丞相兼樞密使封許國公後謫循州賈似道使劉宗申毒殺之少帝德祐元年復官潛居官嶽嶽爲相有名著履齋遺集陳淳字安卿號北溪龍溪人寧宗嘉定十年授迪功郎泉州安溪簿未上而卒淳在朱子弟子中學最篤實於儒釋之辨尤詳有

北溪字義北溪大全集

王邁字實之興化軍仙遊人寧宗嘉定十年進士調南外睦宗院教授召試學士院官至知邵武軍予祠卒贈司農少卿邁少負才名練達世務立朝著氣節有懼軒集

戴昂字景明白號東野天台人復古從孫寧宗嘉定十二年進士授贛州法曹參軍不知終何官詩有石屏家法名東野農歌集包恢字宏父建昌人寧宗嘉定十三年進士仕至刑部尙書簽書

樞密院事封南城縣侯以資政殿學士致仕卒贈少保諡文肅恢諸父皆從朱子遊少時聞心性之學歷官所至破猾去姦平寇折獄政聲赫然晚乃附和似道督買公田負其夙學蓋瑕瑜不掩之士也有敝帚藁略

徐鹿卿字德夫號泉谷豐城人寧宗嘉定十六年進士調南安軍學教授官至禮部侍郎以華文閣待制致仕卒諡清正鹿卿立朝直侃多建白居官清峻有惠政純忠亮節爲南渡名臣文章

足以副之有清正存藁

牟子才字存容井研人寧宗嘉定十六年進士理宗時官至權禮部尚書度宗授翰林學士以資政殿學士致仕子才爲了翁弟子立朝剛直對策卽詆史彌遠後忤賈似道董宋臣丁大全爲御史所嗾可謂不畏強禦者

鄧若水字平仲井研人登寧宗嘉定進士對策詆史彌遠姦置末甲理宗嘉熙間除太學博士旋出判寧國府遂歸隱太湖之洞庭山久之還蜀若水爲布衣時卽欲刺刃逆曦終以劾彌遠忤執政不容於朝其奇節實有過人者

姚鏞字希聲一字敬庵號雪蓬剡溪人寧宗嘉定中進士爲吉州判官以平寇功擢守章貢後忤帥臣貶衡陽有雪蓬藁

黃仲炎字若晦永嘉人篤學不第著春秋通說

季志 岳珂字肅之號倦翁湯陰人居嘉興鄂忠武王之孫敷文閣待制

霖之子也官至戶部侍郎淮東總領制置使著有刊刻九經三傳沿革例金陀粹編魏刻錄程史寶真齋法書贊玉楮詩集

徐集孫字義夫建安人理宗時薄宦於浙以詩名題詠西湖尤多著有竹所吟藁

孫夢觀字守叔號雪聰慈谿人理宗寶慶二年進士授迪功郎歷官至吏部侍郎集英殿修撰夢觀居官以清正稱當宋政敗壞之時能剴切陳言洞達時務文有雪聰集

趙汝騰字茂實自號容齋太宗七世孫居福州理宗寶慶二年進士歷官端明殿學士提舉神祐觀兼翰林學士承旨汝騰紹朱子之學居官守正不阿竭言無隱嘗以草制忤史嵩之去國氣節凜如有庸齋集

吳子良字明輔號荆溪臨海人理宗寶慶二年進士官至湖南運使太府少卿著荆溪林下偶談

李昂英字俊明番禺人理宗寶慶三年廷對第三官至龍圖閣待

制吏部侍郎致仕卒諡文簡昂英初保五羊城有應變之才後
劾史嵩之趙與憲直聲動天下其退居之地曰文溪有文溪存

稿

徐經孫初名子柔後改今名字仲立豐城人理宗寶慶三年進士
授瀏陽主簿歷官刑部侍郎翰林學士知制誥以忤賈似道罷
歸十年卒贈金紫光祿大夫諡文惠經孫以剛直稱諸奏疏尤
見丰裁家在洪撫之間有山方正因號矩山名其集曰矩山存

稿

高斯得字不妄邛州蒲江人理宗紹定二年進士官至端明殿大
學士簽書樞密院參知政事予祠宋亡隱居苕霅閒卒斯得父
稼知沔州端平閒與元兵戰沒斯得能以忠孝世其家所論奏
不避權姦始厄於史嵩之中阻於賈似道終擠於留夢炎而宋
社亦屋矣有恥堂存稿

徐元杰字仁伯信州上饒人理宗紹定五年進士第一歷官工部

侍郎諡忠愍元杰忠憤出於天性又從陳文蔚真德秀遊學術
純正以攻史嵩之之故至為醜死臺諫及太學生徒皆頌其冤
其疏多關國家大計有棣堊集

方岳字巨山號秋崖歙縣人理宗紹定五年進士官至吏部侍郎
罷歸岳初忤賈似道繼忤丁大全氣節嚴正才鋒凌厲尤工駢
體有秋崖集

汪應元字尹卿歙稠墅人理宗紹定五年進士歷官直祕閣兩浙
提刑

聞九成餘杭人

林希逸字肅翁福清人理宗端平二年進士景定閒官司農少卿
終中書舍人希逸為陳藻弟子以道學自命而為文獻諛似道
頗類楊時之於蔡京著有考工記解三子口義虜齋續集其虜
齋前集已佚不傳

陳振孫字伯玉號直齋安吉人理宗端平中由州郡游至浙西提

舉官終侍郎藏書至五萬一千一百八十餘卷著有直齋書錄

解題

周密字公謹號草窗先世濟南人南渡後家湖州之弁山自號弁陽老人理宗淳祐中嘗官義烏令宋亡不仕著有武林舊事齊東野語雲烟過眼錄志雅堂雜鈔癸辛雜志浩然齋雅談其詩文名蠟屐集已佚

歐陽守道字公權初名巽字迂父吉州人理宗淳祐元年進士授零都主簿終著作郎守道以德行為鄉郡儒宗江萬里吳子才前後延為山長文天祥劉辰翁皆其弟子品誼文章俱醇有巽齋文集

王應麟字伯厚慶元人祖籍浚儀理宗淳祐元年進士寶祐四年復中博學鴻詞科官至禮部尚書兼給事中歸應麟為考官拔第七名文天祥置第一有知人之鑒初忤丁大全坐絀繼忤賈似道補外立朝具著丰裁問學賅博文章典贍著有周易鄭康

成注詩考詩地里考漢志考漢藝文志考證通鑑答問六經天文編困學紀聞玉海詞學指南小學紺珠姓氏急就篇等書其深寧叟集一百卷已佚僅存五卷為四明文獻集中之一種焉鄭起初名震後更名起字叔起號菊山連江人場屋不利為書院堂長嘗伏闕論史嵩之淳祐中又罵鄭清之幾死獄中亦剛介之士也有清雋集

翁卷字續古一字靈舒嘗登理宗淳祐三年鄉薦永嘉四靈之一也詩名葦碧軒集

楊枋字宗驥初名昌朝巴川人居字溪小龍潭之上因號字溪理宗淳祐四年同進士出身為紹慶學官以子炎卯貴加朝奉大夫致仕枋從朱子門人度正暖淵遊傳紫陽學派有字溪集汪立信字誠甫號紫源六安人理宗淳祐六年進士授烏江簿官至端明殿學士度宗咸淳十年為江淮招討使時建康守兵皆潰乃至高郵扼吭死贈太傅後伯顏聞其告似道二策歎曰宋

有是人使其言用我安得至此

衛宗武字淇父自號九山華亭人理宗淳祐間歷官尚書郎出知

常州罷歸宋不仕有秋聲集

馬廷鸞字翔仲樂平人理宗淳祐七年進士寶祐中召試館職歷

官右丞相兼樞密使宋不仕家居十七年而薨廷鸞忤丁大全劾

董宋臣終以似道當國辭歸節義凜然詩文典贍制誥尤工其

子端臨作文獻通考承其家學也家有碧梧精舍晚年自號翫

芳病叟因名其詩文曰碧梧翫芳集

牟濬字叔清晉江人咸淳二年知潮州修學養士除盜去奸邦人

德之

方逢辰初名夢魁淳安人理宗淳祐十年進士第一特賜今名因

字聖錫官至吏部侍郎德祐徵拜禮部尚書會父疾未赴宋不

講學鄉里學者稱蛟峯先生逢辰嘗以劾賈似道去官仕外亦

有政績入元不應世祖之詔大節皎然著孝經解易外傳尚書

釋傳大學中庸註釋皆佚有蛟峰文集外集

劉敞字聲伯號質翁樂清人理宗淳祐中太學生官至吏部尚書

宋不仕從二王航海至羅浮卒諡忠肅敞屢觸權姦從不殞命忠

義自足千古著有諫坡奏牘薇垣制稿經帷獻納諸書皆佚僅

存蒙川遺稿

史璟卿字□□鄞縣人嵩之從子以書諫嵩之為所斫死

杜仕賢

祝與權字異甫臨邛人魏了翁門人

樂雷發字聲遠號雪磯寧遠人累舉不第理宗寶祐元年其門人

姚勉登科上疏請讓雷發詔試賜特科第一人授館職以病歸

詩突兀自放有杜牧遺意能自拔江湖集之外有雪磯叢稿

姚勉字述之一字誠一高安人理宗寶祐元年進士廷對第一除

校書郎終太子舍人勉受詩法於樂雷發奏劄亦侃侃不阿有

雪坡文集

文天祥初名雲孫字天祥後改名天祥字宋瑞一字履善吉水人
理宗寶祐四年進士第一官至右丞相樞密使加少保信國公
勤王兵敗被執不屈死天祥大節震耀古今而詩文雄贍渾浩
亦足以殿南宋真不世出之才也有文山集

陸秀夫字君實鹽城人理宗寶祐四年中文天祥榜進士景定初
入李庭芝幕中度宗咸淳十年擢淮東制置李庭芝參議官益
王立於福州進簽書樞密院事衛王立爲左丞相祥興二年厓
山破秀夫負王赴海死

謝枋得字君直號疊山信州弋陽人理宗寶祐四年進士宋末爲
江東制置使臨安破後卽弋陽起義兵潰遁浦城元福建行
省魏天祐迫脅送燕京遂絕食卒枋得忠節步武天祥文章亦
一作手嘗編文章軌範知其學有矩矱著易詩書三傳及四書
解皆佚僅存詩文名疊山集

舒岳祥字舜侯寧海人理宗寶祐四年進士官奉化尉終承直郎

宋亾隱居教授鄉里以終岳祥少時爲文已見稱於吳子良晚
而遜節卓思著作久皆散佚僅存閩風集

黃震字東發慈谿人舉進士調吳縣尉度宗時官至浙東提舉卒
門人私謚文潔先生震嘗以忤郡守賈似道從子蕃世罷官其
知撫州有善政著古今紀要黃氏日鈔

劉辰翁字會孟廬陵人理宗景定三年廷試對策忤賈似道置丙
第遂以親老掌濂溪書院後召入史館及除太常博士皆不就
宋亾隱居以終辰翁在宋季以鯁直名文章奇怪磊落有須溪
集有須溪四景詩集

王柏字會之號魯齋金華人卒謚文憲柏少慕諸葛亮之爲人自
號長嘯長乃從遊何基以基師黃幹爲朱子再傳弟子也所作
書疑詩疑妄逞私臆竄亂古今失聖賢篤信好古之意詩文豪
邁有魯齋集

牟巖字獻之湖州人禮部尙書子才之子登理宗進士第官至大

理少卿入元不仕先世爲蜀之井研人世居陵山之陽其詩文名牟氏陵陽集

何夢桂初名應祈字申甫後改今名字巖叟號潛齋涪安人度宗咸淳元年進士授台州軍事判官仕至大理寺卿引疾歸元至元中屢徵不起著易衍中庸致用皆佚有潛齋文集

梁棟字隆吉其先湘州人遷居鎮江度宗咸淳四年進士選寶應簿調錢塘尉宋不仕有隆吉詩

謝翱字皋羽一字皋父自號晞髮子長溪人後徙浦城度宗咸淳中試進士不第文天祥開府延平署咨議參軍天祥兵敗遁跡杭睦閒以終翱節操可傳詩文皆有奇氣著晞髮集天地閒集西臺慟哭記冬青引注

汪元量字大有號水雲錢塘人度宗時以善琴供奉掖庭宋不隨三宮入燕爲黃冠以終詩多故宮黍離之感有湖山類稿水雲集

吳龍翰字式賢歙縣人度宗咸淳元年貢於鄉以薦授編校國史院實錄院文字宋不仕家有老梅因以古梅爲號受詩法於方岳有古梅吟藁

家鉉翁號則堂眉州人以廕補官後賜進士官至端明殿學士簽書樞密院事宋不仕元欲官之不受改管河間教授弟子成宗立放歸鉉翁節高品潔其學問雖稱述廣漢而源出金溪論多出入佛氏著有春秋詳說則堂集

王執禮號竹寮金華人

王炎午初名應梅字鼎翁後改今名安成人宋末爲太學生度宗咸淳閒入文天祥幕母憂歸宋不隱居以終炎午當天祥被執北上作文生祭爲世所稱居汝源里名其文曰吾汝稿以示不仕異姓之義

黃仲元字善夫號四如莆田人度宗咸淳七年進士授國子監簿不赴宋不更名淵字天叟號韻鄉老人教授鄉里以終仲元爲

宋末講學家出處合道有四如講藁四如集

林景熙一作景曦字德陽號霽山溫州平陽人度宗咸淳七年太

學釋褐授泉州教官歷禮部架閣轉從政郎宋亡不仕客會稽

時會楊璉真今改作扎木發宋諸陵以遺骨建鎮南塔景熙

與唐鈺以計易真骨葬蘭亭忠義感動千古有林霽山集

唐鈺字玉潛號菊山會稽人與林景熙埋宋諸陵骨義動吳越開

俞德鄰字宗大號大迂山人永嘉人徙居丹徒度宗咸淳九年進

士宋亡元兵劫置軍中不屈歸德鄰人品詩文俱高潔著有佩

韋齋輯聞佩韋齋文集

熊禾初名鉢後改今名字去非號勿軒又號退齋建陽人度宗咸

淳十年進士授寧武州司戶參軍宋亡不仕教授鄉里以終禾

為宋末名儒有勿軒集

林駟字德頌寧德人少帝德祐丙子以易魁鄉薦著有源流至論

金履祥字吉父號仁山蘭谿人少帝德祐初以史館編修召不赴

入元隱居教授以終履祥受學於王柏為朱子四傳弟子究心
經史著有尚書表著大學疏義論孟集註考證通鑑前編仁山
集

陳普字尚德福之寧德人從會稽韓翼甫學為輔廣再傳弟子所

居有石堂山學者稱石堂先生入元開門授徒朝廷三辟為本

省教授不赴嘗主講鼇峯首議聖賢宜撤肖像祀用木主熊勿

軒先生深然之有石堂集

汪炎昶字懋遠婺源人博學窮理得程朱之傳宋季隱居不仕自

號古逸民許月卿之壻趙汭之師也有古逸民先生集

俞琰字玉吾吳縣人生理宗寶祐初入元隱居著書徵授溫州學

錄不赴著述甚多今惟存周易集說讀易舉要易外別傳書齋

夜話席上腐談陰符經注

方夔一名一夔字時佐涪安人宋末屢舉不第退居富山之麓自

號知非子少從何夢桂遊國亡不仕品學皆高潔詩名富山遺

稿

連文鳳字百正號應山三山人少帝德祐以前嘗從宦國不仕亦宋遺民也有百正集

鄧牧字牧心錢塘人宋亡後隱居屏迹與謝翱周密友著有洞霄

圖志伯牙琴

方鳳一名景山字韶卿浦陽人試太學舉禮部不第宋末以特恩

授容州文學國亡遁歸與謝翱吳思齊放浪山水以終鳳志操

既高文亦磊落不羣元世柳貫以文名其門人也著有野服考

存雅堂遺稿

詹本字道生建安人丞相江萬里薦為郎使者至本避去不知所

終

師嚴字道立襄陽人讀書善槊射自襄陽園中走行在所上書不

報遂去客死武陵

呂同老濟南人宋遺民也

程垣字務實龍巖人

黃文雷字希聲吁江人著看雲小集

陳森字茂卿婺州人生於宋末

于石字介翁號紫巖更號雨谿蘭谿人宋亡不仕其門生吳師道

選錄其詩曰紫巖詩選

翁森字秀卿號一瓢台州仙居人宋亡隱居教授著一瓢集今佚

南宋文範作者考下終

宋取書目

楊時龜山集
 許翰襄陵集
 宗澤忠簡集
 許景衡橫塘集
 洪芻老圃集
 洪炎西渡集
 葛勝仲丹陽集
 葉夢得建康集
 呂頤浩忠穆集
 張守毘陵集
 汪藻浮溪集
 李光莊簡集
 趙鼎忠正德文集

張擴東隱集

王安中初寮集

羅從彥豫章文集

翟汝文忠惠集

劉才邵楸溪居士集

李彌遜筠溪集

張綱華陽集

李綱梁谿集

李正民大隱集

陳與義簡齋集

沈與求龜溪集

潘良貴默成文集

洪皓鄱陽集

朱松韋齋集

王庭珪廬溪集

韓駒陵陽集

朱翌澗山集

蔡崇禮北海集

張嶠紫薇集

劉一止茗溪集

岳飛武穆遺文

曹勛松隱集

王洋東牟集

王之道相山集

王彥平三餘集

胡寅斐然集

程俱北山小集

張元幹蘆川歸來集

胡宏五峯集
鄧肅栢欄集
孫覲鴻慶居士集
尹焞和靖集
呂本中東萊詩集
劉子翬屏山集
王德明鈍齋集
王蘋三著作集
蘇籀雙溪集
陳東少陽集
歐陽澈歐陽修撰集
高登東溪集
曾幾茶山集
王銍雪溪詩集

胡銓澹庵文集
廖剛高峯文集
馮時行縉雲集
張九成橫浦集
鄭剛中北山集
仲并浮山集
汪應辰文定集
陳淵默堂文集
黃公度知稼翁集
陳長方唯室集
王之望漢濱集
葛立方歸愚集
范浚香溪集
鄭興裔奏議遺集

曾協雲莊集

林季仲竹軒雜著

林之奇拙齋全集

周紫芝太倉梯米集

洪适盤洲集

史浩鄖峯集真隱漫錄

洪邁文敏文集

周麟之海陵集

唐仲友說齋文粹

陳克天台集

鄭樵夾漈遺稿

崔敦禮宮教集

朱子晦菴集

尤袤梁谿遺稿

辛棄疾稼軒集

晁公邁嵩山居士集

李石方舟集

周必大文忠集

張孝祥于湖集

范成大石湖詩集

楊萬里誠齋集

王十朋梅溪集

吳儆竹洲集

史堯弼蓮峯集

王質雪山集

王子俊格齋四六

倪樸石陵集

薛季宣浪語集

韓元吉南澗甲乙稿

陸游渭南文集劍南詩集

劉翰小山集

呂祖謙東萊集

張栻南軒集

林光朝艾軒集

樓鑰攻媿集

虞壽尊白堂集

李呂澹軒集

袁說友東堂集

王阮義豐集

姜特立梅山續集

羅願鄂州小集

周孚蠹齋鉛刀編

蔡戡定齋集

衛博定庵類稿

王炎雙溪集

彭龜年止堂集

曾丰綠督集

楊簡慈湖遺書

陳傅良止齋文集

陸九淵象山集

舒璘文靖集

劉燦雲莊集

員興宗九華集

趙善括應齋雜著

程洵尊德性齋小集

陳造江湖長翁集

孫應時燭湖集

項安世平庵悔稿

葉適水心別集

袁燮絜齋集

曹彥約昌谷集

衛涇後樂集

廖行之省齋集

高似孫疏寮小集

裘萬頃竹齋詩集

戴復古石屏集

周南山房集

度正性善堂稿

杜旃癖齋小集

劉宰劉漫堂集

徐照芳蘭軒集

趙師秀清苑齋集

劉過龍洲集

陳亮龍川文集

程秘洛水集

黃幹勉齋集

徐璣二薇亭集

葛長庚白玉蟾集

姜夔白石詩集詩說

魏了翁鶴山全集

真德秀西山文集

趙汝鐸野谷詩集

洪咨夔平齋文集

方大琮鐵庵集

杜範清獻集

吳泳鶴林集

許應龍東澗集

戴栩浣川集

陳文蔚克齋集

劉學箕方是閒居士小稿

華岳翠微南征錄北征錄

陳元晉漁墅類稿

程公許滄洲塵缶編

徐文卿蕭秋詩集

袁甫蒙齋集

李劉四六標準

韓澆澗泉詩集

陳耆卿篔簹集

嚴羽滄浪集

李曾伯可齋雜稿續稿

劉克莊后村集

吳淵退菴先生集

嚴粲華谷集

黃大受露香拾稿

吳潛履齋遺集

陳淳北溪大全集

王邁懼軒集

戴昺東野農歌集

包恢敝帚稿畧

徐鹿卿清正存稿

姚鏞雪篷稿

岳珂玉楮詩集

徐集孫竹所吟稿

孫夢觀雪牕集

趙汝騰庸齋集

李昂英文溪存稿

徐經孫矩山存稿

高斯得恥堂存稿

徐元杰梅堊集

方岳秋崖集

林希逸虜齋續集

歐陽守道巽齋文集

王應麟四明文獻集

鄭起清雋集

翁卷葦碧軒集

楊枋字溪集

衛宗武秋聲集

馬廷鸞碧梧玩芳集

方逢辰蛟峯文集外集

劉黻蒙川遺稿

樂雷發雪磯叢稿

姚勉雪坡文集

文天祥文山集

謝枋得疊山集

舒岳祥閬風集

黃震黃氏日鈔

劉辰翁須溪集

王柏魯齋集

牟巖牟氏陵陽集

何夢桂潛齋文集

梁棟隆吉集

謝翺晞髮集天地閒集

汪元量湖山類稿水雲集

吳龍翰古梅吟藁

家鉉翁則堂集

王炎午吾汶集

黃仲元四如集

林景熙林霽山集

俞德鄰佩韋齋文集

熊禾勿軒集

金履祥仁山集

陳普石堂集

汪炎昶古逸民先生集

方夔富山遺藁

連文鳳百正集

鄧牧伯牙琴

方鳳存雅堂遺藁

黃文雷看雲小集

于石紫巖詩選以上專集

周易集傳宋朱震撰

周易啟蒙宋稅與權撰

周易集說宋俞琰撰

春秋傳宋葉夢得撰

東都事略宋王偁撰

宋史元托克托等撰

歷代名臣奏議明黃淮楊士奇等撰

新安文獻志明程敏政編

吳興藝文志明董斯張編

蘇州府志

桐廬縣志

金華縣志

石氏家乘

程史宋岳珂撰

梁溪漫志宋費衮撰

合璧事類宋謝維新撰

隱居通議元劉壎撰

輟耕錄明陶宗儀撰

聲畫集宋孫紹遠編

播芳文粹宋魏齊葉芬同編

崇古文訣宋樓昉編

江湖後集宋陳起編

赤城集宋林表民編

文章軌範宋謝枋得編

十先生奧論宋季無名氏編

詩家鼎鑪宋季無名氏編

谷音元杜本編

宋文選明顧宸編

三洪文集

古文雅正國朝蔡世遠編

宋四六選國朝彭元瑞編

南宋文鑑殘本文止十餘家無編者名氏

洞霄詩集

後村詩話宋劉克莊撰

茗溪漁隱叢話宋胡仔撰

宋詩紀事國朝厲鶚撰

南宋文範卷一目錄

賦

撫松堂賦

古楠賦

小黃楊賦

竹林泉賦

梅花賦

秋色賦

含笑花賦

擬進南郊大禮慶成賦

松江賦

後松江賦

二松賦

述志賦

宗澤

宗澤

張守

王安中

李綱

李綱

李綱

王洋

程俱

程俱

蘇籀

張九成

白鹿洞賦

朱熹

感春賦

朱熹

梔子賦

李石

金沙堆賦

張孝祥

惜交賦

范成大

望海亭賦

范成大

荔枝賦

范成大

浯溪賦

楊萬里

秋雨賦

楊萬里

海鱸賦

楊萬里

後蟹賦

楊萬里

南宋文範卷一

長洲顧少卿先生鑒定

秀水莊仲方編

撫松堂賦

宗澤

嵩山之麓萬松鬱然偃高蓋以鳴風盤深樾而切天卻揮斤于睥

睨款化石而頑堅悵莫致之華我林泉發聘士之幽尋課哇丁而

小遷培拱把而氣藏運桔槔而智圓寓修身于種藝戒除惡于蔓

延期百尺於歲寒扶大厦於將顛眷焉撫之倚筇于壑蒼翳其成

森若巖谷且漑且壅濯我喬木或攢膏而為酒或飛烟而取墨或


採脂以儲藥或祈明而代燭或盤縷以為扇筵或折枝以當塵玉

倘聘士之見須効尺長於必錄我觀此物稷落節目擅巨棟于廟

堂備行艫于海濱用扶危而利涉肯收功于芒粟肖象伊何萃于

一庭蒼官侍坐青衣侑尊鼓琴瑟于晚吹晃屏幄于朝曦聘士顧

之內娛外忻陋軒駟之飛馳避門箔之炎薰我觀此物受命不羣



稟直氣以自如信孤標之獨尊聳若高才儼如正人思仰止而企
及罷童語之紛紜苟好尚之不移質是非於老生姑置勿談羽服
綸巾時矯首以怡顏毋折腰而役形處身世于無心看出岫之飛
雲以聘士爲後來之淵明也

古楠賦

宗澤

巴城之南山有寺曰南龕寺之外有大木曰楠其生甚久
唐刺史嚴武御史史俊皆有詩詞刻於巖腹嚴曰臨溪插
石盤老根史曰結根幽壑不知歲自時迄今又數百年邦
人謂之古楠宜矣僕到官之三月兩至巖下讀史嚴之清
什感是楠之老於巖谷而可憐也因慨然操筆而賦之曰
楠之生兮層崖之中巔詢之人兮不知幾何年包堅根而下蟠兮
貫頑石而澈沈淵竦修榦以上凌兮並孤岑而參蒼天大枝崛起
兮虎豹擎攫小枝回屈兮蛟螭蜿蜒黃葉敷陰白晝沈沈輪廣十
畝蓋窮百尋眾鳥托宿鄧林非深諸卉仰芘荆雲非陰雨濯瑩兮

一塵不染風振響兮海潮同音露下兮鶴唳月明兮猿吟擅此清
致亘古迄今有客戾止惻然動中吁嗟斯木之異兮有不遇之窮
爾胡不生於泰山之側秦帝東封會風雨之是避豈以五大夫之
號而封松爾胡不生於周成之宮禁林九重顧親賢之是戲豈以
封國之瑞而翦桐爾胡不生於分陝之域舍彼召公未必以甘棠
之蔽芾流詠於國風抑亦豈無工師之良識爾材之非常用之爲
棟梁則足以建九重之明堂用之爲舟楫則足以濟巨川之汪洋
用爲宗廟社稷之器則足以參鼎鼐交神明薦至德之馨香夫何
默默而甘老於窮山寂寞之鄉徘徊其下恍若夢兮心駭而目眙
蒼髯偉人瞋目視曰噫謂予知我乃不吾知吾生於斯長於斯始
於毫末至於十圍雨露不吾遺霜雪不吾欺春兮秋兮吾不知代
謝之有期漢兮唐兮吾不知興亡之幾時柯葉顏色曾無改移過
者千百睥睨焉不以吾爲樸檉輩待之斧斤之害亦幸不罹吾受
天地造化之恩孰有等夷子之不智而乃我悲使子處此復將奚

爲吾非不知強自取藏器以待時而動老當益壯自任以天下之重儻匠人斲而小之能不浼然而悔痛乃所願比不材之樗同乎無所用若曰不遇自有物主之非吾所能爲姑亦付之一夢客聞之釋然悟曰達矣夫斯言可書紳而詠誦

小黃楊賦

張守

余几案間有黃楊生拳石杯水間有年數矣蔚茂可愛喜而賦之

維黃楊之挺生表奇姿于弱植蟠霜根之數寸竦貞幹之盈尺濡兩掬之清泉占一拳之怪石攬以蒼翠之雕珉培以光明之碎礫朝假寵于陽暉夕蒙滋于露液受一氣之獨正紛眾葉之多碧已幸脫于泥塗靡爭妍於花實安微分而自足貫四時而不易寘之函丈之間綽有山林之適明臆淨几陰敷視席笑昌陽之瑣細與草芥而匹敵詣巴苴之凡陋望秋風而隕陪二物皆植水中傲冰霜之凜冽玩陰陽之消息配後彫于澗松得全生于社櫟雖蒙厄

于閏餘初不辭於屈抑已無心于梁棟之用矣毋或縱尋斧以求狙猿之杙也

竹林泉賦

王安中

王子遊臺山旣賦焉明日過竹林挹飛泉而樂之曰是可與滔滔者同羣別爲竹林泉賦

北山高寒水不濡谷至化涔泓育王絕續王子決奇觀于八表縱遐武于千仞獨相羊而永歎揖天潢之流潤曾去此之幾何顧波瀾其誰吝客有從余者曰夫子未覩竹林之水盍往觀耶繚松麓之右界面金字以直出振杖行嘯山空響答虎豹遁莽龍蛇驚蟄歛霽霧之褰駭睨崩崖之卻立瀑布淙瀉林岫辟易雷破斧而木碎紛其雜雨霰也星掣旂而石隕燿其曳芒角也風駟電策蠖略碎磕旄旛譟譟鐘鼓奮作其羣帝馭氣而狩斯乎縞裙練帨續綸襲積烟霏輿衝璣貝狼藉其列眞踏月而下嬉乎亂流赴溪竅石透迤衝牙玉佩嘈雜爭馳被草木之鮮滋蔚雲物之瑰奇蹇淹流

而下上耿文露之霑衣揚余袂而欲仙前洪喬與爲期客曰自有
天地卽有此泉迺日月以俱邁夫子將安所旃客學詩乎詩曰崧
高維嶽峻極于天惟嶽降神生甫及申山川之秀傑豈無與于吾
人故曰石而不泉則山不聲周勃霍光汾陽臨淮未免于無文泉
而不飛則聲不偉鄴侯平陽房喬如晦不優于制禮嘗與客躡鄰
斗之高標臨掛壁之跳波超萬累以獨遨俯一氣以同和立南榮
而視余髣髴余之謂何將不但夫金堂石室虹蜺光景之異丹砂
琴瑟芝草葩卉之多者矣若乃一拳欽岑羣潦鍾聚氣偏產毒物
怪藏蠱峭薄喧喧尙奚足顧彼謫仙飛流與浪翁之水樂寧亦有
是也哉客退然曰僕何足知之

梅花賦

李綱

皮日休稱宋廣平之爲人疑其鐵心石腸及觀所著梅花
賦清便富豔得南朝徐庾體然廣平之賦今闕不傳予謂
梅花非特占百卉之先其標格清高殆非餘花所及辭語

形容尤難爲工因極思以爲之賦補廣平之闕云其辭曰
固陰沍寒草木凍枯惟茲梅之異品得和氣而早蘇爾乃結根蟠
據擢幹橫斜發青枝於宿枿未綠葉而先葩素英翦玉輕蕊搖金
絳蠟爲萼紫檀爲心蕾方苞而露重稍半裊而雲深浚霜霰于殘
臘帶烟雨于疏林漏江南之春信折贈遠於知音此梅花之大略
也若夫含芳雪徑擢秀烟村亞竹籬而綉映柴扉而斷魂暗香
浮動雖遠猶聞正如梅仙隱居吳門豐肌瑩白嬌額塗黃俯清谿
而弄影耿寒月而飄香嬌困無力嫣然欲狂又如梅妃臨鏡嚴妝
吸風飲露綽約嬋娟肌膚冰雪秀色可憐姑射神人御氣登仙絳
襦素裳步搖之冠璀璨的皜光彩熒然瑤臺玉姬謫墮人間半開
半合非默非言温伯雪子目擊道存或俯或仰匪笑匪怒東郭順
子正容物悟惟標格之獨高故眾美之咸具下視羣芳不足比數
桃李遜媿梨杏推妍玫瑰包羞芍藥厚顏相彼百花孰敢爭先鶯
語方螿蜂蝶未喧獨步早春自全其天至於功用已周斂華就質

落英飄零結成青實鍾曲直之真味得東方之正色傳說資之以和羹曹公望之以止渴用其材可以爲梁棟採爲藥可以蠲煩熱又非眾果之所能髣髴也爰有幽人卜居梁谿蓺松菊於三徑樹蘭蕙之百畦丹桂團團綠竹猗猗植茲梅於其閒庶歲寒之相依嗅花嚼實侑此一卮頽然而醉不知天地之高卑豈特泉石膏肓烟霞痼疾殆所謂未能忘情於草木聊託物以娛嬉者乎

秋色賦

李綱

潘岳賦秋興劉禹錫歐陽永叔賦秋聲玉局賦秋陽余來閩中七八月之交霖雨乍晴始見秋色因援毫以賦之以

秋色名篇其辭曰

宿雨初霽大火西流涼生暑退物華始秋李子與客登凝翠之閣遊汎碧之齋覽谿山之勝槩嗟草木之變衰天高氣清迴無纖埃月出夜涼孤光滿懷李子慨然顧謂客曰此古之所謂秋色也客曰願先生賦之李子曰唯唯少陰用事金王火囚天地始肅萬物

以收故其見於氣者寂寞悒悒沈寥蕭瑟薄寒中人愴悽惻託物賦象是爲秋色悲哉秋之爲色也漠兮無形肅兮無聲非赤非白非黃非青爽氣無朕潛來滿盈宵宵悠悠奪人目精爾乃桂影扶疏冰輪皎潔澹然如水皓然如雪風露淒涼星河明滅冷浸空庭蛩螿韻咽此秋色之在月也夜氣旣除清晴晝宣埽去氛祲靜無雲烟萬里凝碧穹隆虛圓蒼茫杳靄不可殫言此秋色之在天也蒲柳先衰梧桐早脫飄零委落色瘁香歇惟蘭菊之芬芳與松筠之茂密露冷風高不改其節此秋色之在草木也水落石出境寂雲閒清波如席遠峰如鬢烟林映帶浦嶼迴環優哉遊哉吾方自適於其閒此秋色之在溪山也客曰美則美矣願先生少進之李子曰陰陽相摩日星爭駛孰主張是春與秋兮代序彼春之色一氣藏兮下騰上降品物昌兮韶光駘蕩百卉芳兮譬猶美女耀新妝兮被服纖麗繡襦裳兮温然可親象姬姜兮彼秋之色一氣清兮天地孳斂萬寶成兮風霜高潔兆嚴凝兮譬猶烈女懷幽正

兮鉛華不御體端成兮肅然可敬有典刑兮春之色近乎令而秋
之色近乎介是以君子惟秋是貴或感其聲或悲其氣鋪張比興
曲盡其態從而賦之於是乎在客曰美則美矣願先生少進之李
子曰秋金氣也天地之所以肅殺也其猶介冑之士凜然有不可
犯之色者邪秋義氣也天地之所以閉固也其猶節槩之士毅然
有不可奪之色者邪秋日烈烈其朝廷之士骨鯁之臣正色以率
下者邪秋霜言言其忠義之士社稷之臣厲色以赴難者邪灑然
瀟然猶山林高蹈之士恬澹寂寞有無求之色也睟然儼然猶盛
德之士正容悟物有不可親疏之色也若夫廣大清明不言而令
行無爲而物成則若黼座當陽顛顛叩叩朝廷正而天下治刑政
修而中國強所謂天子穆穆而淒然似秋者其幾是歟客曰至矣
盡矣不可以有加矣請辭而退

含笑花賦

有序

南方花木之美者莫若含笑綠葉素榮其香郁然是花也

李綱

方蒙恩而入幸價重一時故感而爲之賦其辭曰

夫何嘉木之姝媵兮藹芬馥之芳容結孤根於暖地兮披素艷於
幽叢炫麗景之遲遲兮浥零露之濃濃默凝情而不語兮獨含笑
於春空其笑伊何粲兮巧倩洞戶初啟曲欄乍見驚鄰女之窺牆
疑寵姬之教戰鄙妖姿之齟齬謝啼妝之半面態有餘情忽焉改
觀國香無敵秀色可餐抱貞潔之雅志舒婉變之歡顏寧解頤而
啟齒方墮珥而敲冠苞溫潤以如玉吐芬芳其若蘭俯者如羞仰
者如喜嚮日嫣然臨風莞爾豈寒幃而觀跛將忘懷於射雉輕可
買之千金重迴眸之百媚拔類邁倫孰與爲比汎激酷烈綽約嬋
娟翠葉擁鬢綠萼承顙嗅之彌馨察之愈妍信色香之俱美何扈
芷而握荃若夫萱草忘憂合歡蠲忿採杜若於洲中搴芙蓉於澤
畔藝菊百畦滋蕙九畹絜長度美固不可一概而論也方將移自
南國置之玉堂違霜雪之淒冷依日月之末光憑雕檻而凝彩度
芝閣而飄香破顏一笑掩乎羣芳誠可以承天寵而植椒房者乎

擬進南郊大禮慶成賦

王洋

某伏覩紹興某年某月某日赦書頒郡縣冬至已行南郊禮成惟斯盛禮缺墜未講有年於茲矣某竊慕古人觀時盛事必有文章紀敘輒述實用注於當年禮文因革有所稽證此文之所以有助於治者也某不自量度輒因盛禮之舉為南郊慶成賦亦庶幾萬世之後思見今日禮儀制度之數典祀克舉之由達於有司典章之外或有攷焉其辭曰

皇帝踐阼十有七載遐邇既洽神人用和爰以中冬癸丑朔越七日庚申有事於圜丘始復古也皇帝若曰恭我祖考肇造區夏有眾一旅四征弗庭日不暇給然猶莫玉祀帝彝倫靡缺克禋克祀上帝盡歆以敷佑于萬邦是用寢明寢昌奄有方夏肆予冲人嗣位適我家之艱難匪籩豆椀歲升降是肆而干戚旄羽斯習惟文惟武更為污隆典缺弗備理亦固宜今者上天降休華夏以輯紹

我洪烈斯惟其時重念魯人將有事於上帝必先有事於類宮齊人將有事於泰山必先有事於配林三代之禮小大由之有唐祀事亦先太清告於祖考配天以明固惟秩敘如階之升乃先期三日齋于原寢翌日享於太廟又翌日宿於郊宮大禮以秩縟典咸具於是羅千乘列萬騎被袞衣鳴玉佩和鸞旗常纚纚曳曳達於清廟祇見祖考升降堂階與肅靚深文母后妃實妾實嬪金石絲竹絃綉畢陳其鬯則栩栩香鬱芬芬蔥蔥琛爵璧角犧象禪勺山彝泰著疏畫繡羃其鼎俎之薦則牛脩豕麋駕釀菽梅蒸饌燒雞辟雞宛脾其籩豆之實則芝栴稜棋棗栗柰柿昌歌乾榛爵鷄蜩范九州之腴靡不殫獻爾乃循於江干登夫太壇豐隆吐曜霜妃接道批巖踰波澈洌滂漚鮐鱮鮓鱖鱗龍踴躍訶磴碎磅泌澗爭馳競驚旁盪捷出於時勾陳載營羽衛悉備捐夔魑扶獠狂飛蒙葺走陸梁紫虎駢羅照粲成章乘輿於是駟蒼螭六素虬軼倒景騰清浮凌高衍轆紆譎乃次于圜丘齊心服形嚴恭寅畏道

洽于漠神合於氣淡然無爲若與神會嚴漏未既牽牛將中汾汾
霍散瑞華景從續紛飄肅協於時豐於是禮修告於宗伯播鼓作
於瞽矇灑離戲應馨笙和沂巢剽棧笈漣籥徒吹歌鄂修蹇籟料
塤箎六變具奏天神可禮天錫皇帝惟予男子雜選豐穰挺焮晦
晰燔燎斯升高靈畢從煥燐媠姬喋哦濛鴻條紳緒練馬車雲風
熙事既成退卽小次肅旌旗轟巖隧鞞鼓奮猛士厲熊羆弭耳虎
豹跳虛鱗鯨鯢噤瘁睚眦周衛鞞轡重數閒暇霜女江妃紛綸
曉靄遐夷遠俗駢踏問呵乃御端門乃赦天下寬縹舒棘龐恩厚
錫輝庖翟闈各遂乃職盛禮將畢天子乃穆然而思若曰天造我
家今三甲子兢兢守位何千萬禩惟茲歲事符於草昧艱勤底今
取泰於否上帝降休不隲汝眾匪予敢思與爾共之於是輔弼元
臣執爵而進曰皇天無親饗于克誠當去否之運崇再熙之明非
至仁無以守位非至誠無以格神陛下攬眾美而弗有是以孜孜
亶亶以底於今日之寧也屏宴遊絕田獵以藝文爲圃囿以書禮

爲机樞孝悌達於神明精誠熙乎日月相昔王之兢業以今視之
或未齒於毫髮也且宮室至卑膳御至菲雖大禹之飯土墉啜土
鉶不過是也時止則止時行則行雖文王之遵養時晦武王之久
立干綴無以更也施蜺靡雲豕蹙兕絕侵淫儵負徘徊從節相如
夸校獵之盛缺矣石關封巒宣曲細柳枝鵲露寒宜春牛首漢武
示別館之賦陋矣明四目以達視所欲見者民俗也矧櫟楮枰櫨
欖檀栢欄之木足經於目乎達四聰以廣聽所欲聞者民情也矧
侏儒揉雜哇淫繁促之聲足感於聽乎味不求珍美不求異故鼗
鼗粉溲熬母薌極之味不足貴也筦箏越席弋綈大練故雕文纂
組方空屬綺之靡不足美也惟聖時造蹈艱履巘匪剛匪柔貴乎
沈幾高明沈潛執事之機用能益復而取剝卽安而去危彼蠢者
安能知之帝乃卻扇就輦朝於東堂載見文母鼓鐘嗶嗶太姒是
似左右奉璋申錫純嘏萬壽無疆

松江賦

程俱

鷗夷子皮既棄越相乘扁舟攜西子泝東流方將家五湖以長邁
履萬鍾而不留放若巨魚縱大壑脫若六驥馳坦道而挾輕翰時
則八荒收雲千里一碧狂瀾不興遠岫凝色目盡意往雲天出沒
引風檣以悲嘯趣烟波而不極於是遇亡是叟而問津焉曰三江
之湊實為五湖地脈四遠衍為松江洶渾渾溶溶洋洋孤岑連
嶂七十有二眇若散螺黛於微茫五湖之中大曰包山風穴書暝
霜林夏寒暮烟屯其疊翠冬實纍其錯丹麀鶴之所憩蛟鼉之所
淵山中之人忘世與年條桑縹緲之下採石明月之灣包山有縹緲灣
草衣木茹泊若追羲盤而與還江流之窮是則歸墟王百谷於
一吸環齊州於一區大鵬奮翅于泱泱燭龍洗光於咸虞由江而
下二百餘里布帆無恙尚可以朝海門而暮方壺雖然善賈者據
其會善搏者扼其吭方趣南則遺北既畫圓而失方今子將攬眾
物之會莫若遐觀乎中央惟是江湖之接二洲相望散荒墟于垓
塊識斷岸于毫芒嘗試與子至中流而四顧陰霾鬱與不辨雲水

天高日出萬頃在目者五湖也岡岫相屬如走如伏溟濛突兀乍
見乍失者包山也擁松江之上流窮海道於一葦時矯首而斯盡
固可以訪漁樵而種魴鯉亦優遊而卒歲矣吾子以謂何如子皮
曰然務外遊者有待樂內觀者無窮吾方以日月為燭六合為宮
參天地以為友從四海之諸公乘雲氣御蜚龍指包山於遺礫視
五湖於一鍾松江之勝又安能芥蒂於胸中乎

後松江賦

程俱

程子既為松江賦假鷗夷子皮設亡是叟以為詞是夜夢有夫頎
然而長鬣色而修髯叩舷而稱曰松江之勝吾子之詞侈矣然子
亦聞吳越之遺事乎唯而答曰長橋臥波截江之衝飛欄疊架排
霧行空萬景所會而垂虹屹立乎其中吾嘗登垂虹顧二渚尙想
夫霸國之爭雄方其殘忍烏喙差畊石田禍起腋下謀箝悟先則
吳陣江北越軍江南殺氣朝合軍聲夜嚴銜枚北渡奮為兩翼方
風馳而霧障頓雷轟而電擊吳卒鷹潰江流赭赤畢夫椒之世仇

償會稽之膽食於此蓋夫子之雄績乃自太湖過橫山亂越來之
溪登姑胥之臺弔亡國於游鹿指血化於黃埃挽鯨鯢以凌江卷
旌旂而南歸則夫子於此退身行意揖勾踐而長辭蓋與夫咎犯
之貪天子推之獨賢歌龍虬而激憤塊然與槁木而偕燔者不可
同日而言矣聞者五季莽亂錢鏐興蘇據都會乃淮浙之必爭
徐約先拔孫儒繼焚彼得之不能以歲月守我守之不能以歲月
寧則江之兩厓相為二城鎮威武之右境過淮南之寇兵實用武
者之所憑吳江錢氏時謂之版圖入朝置為縣治畫井疆設郡吏
阜畝棊別居廬鱗次帶以千尺之橋捍以百里之塘舟輿所通樓
觀相望曾城邑之幾時翳喬木之蒼蒼矣吾嘗歎曰一江方東雖
逝不流關事之萬變去莫知其所遁而來莫知其所由今之松江
其昔之松江耶抑夜半之藏舟失萬世於俯仰盡賢愚於一邱夫
子亦嘗弔抉眼之忠魂而訪伏劍者之靈遊不乎子皮不對顧謂
西子援琴而歌歌曰霰雪紛兮雲霏霏帶長鋏而佩寶璐兮子安

適而不歸歲晚晚而將暮兮路既壅而中迷嗟二子之不返折疏
麻而搯杜若羌搖搖其遺誰餘音未息遽然而覺掉頭載歌付于
古於一笑

二松賦

蘇籀

商邑巖巖羣山環中膏液外湊英靈內鍾其人黃綺其植曰松翹
翹我室契濶朋從二友忘言冉冉秋冬古之遺直本鉅末豐尺寸
非可較量繩墨非可究窮凜凜乎其可嚴憚也如見大賓如承大
祭形魄竦動圭璋昂顛矯矯乎其能厲操也如首陽之二賢齊魯
之兩翁石忘其堅山失其穹確乎其不可拔也如辭位之泰伯邈
乎其不可攀也如憂世之元龍炎曦鬱攸金石銷鎔冰合九河雪
屯萬峰毛髮磔磔不改聲容如藺子完璧怒髮冠衝睢陽蔽江張
髯乘壙天籟噪鳴非鼓非鐘生三伏之栗冽時一警於昏聩若洞
庭之樂鈞天之奏均節跌宕他樂莫同斷而支太室之壞輯而營
雲臺之宮如良弼之用捨係此邦之替隆雖然待雨露而茂遂積

歲月而強雄世俗尚得而企仰蛇鼠謬託於蔽蒙孰知其筋幹鱗
甲非特據地而摩空猶龍變化乘雲高縱排陰助陽追日迴風超
乎六合之表出乎造化之工遺琥珀與茯苓貽與與倉公嗟夫
世人欲速種柳與楓菌生朽壤蔓延楚叢惟二友之不凡受正命
于厥躬相與吟嘯而作殆其莫逆于胸

述志賦

張九成

伊余生之好修兮紛溷濁而獨清朝飲藍橋之雲液兮夕餐月殿
之落英製芙蓉以為裳兮紉蘭芷以為佩躡天風余上征兮將以
朝于玉帝朝發軔于泰華兮夕余叩乎天闈覽瑤臺珠閣之突兀
兮驂蒼虬綵鳳以駿奔吾與羣仙遨遊兮曰蓬瀛乎此焉處既徘徊
而四顧日與月為吾侶豐隆列闕其先驅兮欖槍招搖為吾埽
除廓氛埃而下視兮塊五嶽其尊壘攬四溟而一瀉兮宴王母乎
崑崙之隈忽憑几而坐寤兮知萬事其如夢聊與此世而婆娑兮
長笛呼風而三弄憫屈平之懷沙兮笑子雲之投閣已攬袂而歛

起兮悵星移而月落

白鹿洞賦

朱熹

白鹿洞賦者洞主晦翁之所作也翁既復作書院洞中又
賦其事以示學者其詞曰

承后皇之嘉惠宅廬阜之南疆閔原田之告病惕農扈之非良粵
冬孟之既望夙余駕乎山之塘徑北原以東鷲陟李氏之崇岡李家
而流芳陳舜俞廬山記云唐李渤字濟之與兄涉借隱白鹿洞後
勝之自昇元之有士始變塾而為庠儼衣冠與弦誦紛濟濟而洋洋
廬山記又云南唐昇元中因洞建學館置田以給諸生學者大集
乃以國子監九經李善道為洞主掌其教授江南野史亦云當時
謂之白鹿洞在叔季而且然矧休明之景運皇穆穆以當天一軌文而
來混念敦篤於化原乃搜剔乎遺遜盼黃卷以置郵廣青衿之疑
問樂菁莪之長育拔雋髦而登進洞詔從其請仍驛送之六年以洞主明迨繼照於咸平又增修而
起為蔡州褒信主簿旌儒學榮鄉校也

罔倦廬山記又云咸平五年旋錫冕以華其歸琛亦肯堂而詒
孫郭重修又聖十哲之象孫洞以歸老詔從之冕未及歸而卒皇祐五年其子比部郎中琛
即學之故居廬山記為廬山夫既啟余以堂壇友又訂余以冊書尋訪之
論廬山記為廬山夫既啟余以堂壇友又訂余以冊書尋訪之
者指告其處聖之宏撫亦既震于余衷乃謀度而咨諏尹悉心以綱紀吏竭蹶
謀既而劉清之子澄亦哀集故實來寄謂此前修之逸迹復關我
而奔趨士釋經而敦事工殫巧而獻圖曾日月之幾何屹夏屋之
渠渠此羌異世而同符偉章甫之峩峩抱遺經而來集豈顛眺聽之為
恭事具呂祖謙伯山葱瓏而遠舍水瀲灩而循除諒昔人之樂
窮又豈一言而可緝請姑誦其昔聞庶有開於時習曰明誠其兩
進抑敬義其偕立允莘摯之所懷謹巷顏之攸執彼青紫之勢榮
亦何心乎俛拾亂曰澗水觸石鏘鳴璆兮山木萃尊枝相樛兮彼
藏以修息且遊兮德隆業茂聖澤流兮往者弗及余心憂兮來者

有繼我將焉求兮

感春賦

朱熹

觸世塗之幽險兮攬余轡其安之慨埋輪而繫馬兮指故山以為
 期仰皇鑒之昭明兮倦予衷其猶未替抑重巽於既申兮徇耕野
 之初志自予之既還歸兮畢藏英而發春潛林廬以靜處兮閭蓬
 戶其無人披塵編以三復兮悟往哲之明訓嗒掩卷以忘言兮納
 遐情于方寸朝吾屣履而歌商兮夕又賡之以清琴夫何千載之
 遙遙兮乃獨有會于予心忽嚶鳴其悅豫兮仰庭柯之蔥蒨悼芳
 月之既徂兮思美人而不見彼美人之修嫻兮超獨處乎明光結
 丹霞以為綬兮佩明月而為璫悵佳辰之不可再兮懷德音之不
 可忘樂吾之樂兮誠不可以終極憂子之憂兮孰知吾心之永傷

梔子賦

李石

若夫梔子花者蒼荀花也天之生物物各有時時各有職職主一
 時時主一色威福之柄如君如臣如主如客不可紊也榴花安簷

與鶴頂鬪鮮芙蓉濯水與蜀錦爭魄此非天運之敘乎祝融用威
朱鳥奮翼火輪曳空炎炎赫赫異哉詫乎一花纖微東皇刻一氣
浩大天皇織而乃與較瑞花虛名爲六出者乎紛紛披披霧霰爭
馳凜凜栗栗圭璧盈尺無陽俱升終歲取實可以實百果可以瑞
麩麥皎皎乎浩浩乎攘汾陰之瓊仙傾壽陽之粉額謬老李之鬚
鬢奪蟾桂之標格六氣旋軫六月一息六而六之變化義畫凡物
待之曰此天數也物各有得汝息怙權與天爭力上帝照臨汝不
與責言畢夢一道士曰某卽風霆之精雲雨之澤也炎黃苗裔皆
吾子孫爰自典謨既遠有熊是宅漲風雷之浩渺扳星虹于倏忽
巫咸之九神姬旦之土圭所不能測曰戊己日吾之降生也繼南
離以述志植九土而立極西睥之般物然洪波之滔天然吾之役
使任爲妃匹也佐禹治水我卽黃魔翼漢帝儲我卽黃公傳授兵
略幃幄帝師赤松羽化者蒼葛之爲梔子乎梔子之爲蒼葛乎歲
晚後凋屈意樛陰有不改柯易葉者猶足以侶青青而媿松栢也

金沙堆賦

張孝祥

洞庭之野吞楚七澤乘秋而霽天水一色登高梳而掛席兮插余
舟之兩翼凌長風以破浪兮駭掀舞於一葉橫中流而北望兮何
黃金之突兀觸白日以騰耀兮疑波神之汎宅舟人告余曰此金
沙堆也壁立千仞衝巨百步靈鰲之背孤起以自暴兮棄方丈而
不負湧青城之玉局兮遲虛皇靈皇一本作皇而來下太倉露積以弗校
兮白粲粲而非腐熬海波以出素兮莽既多而無數胡山十丈之
雪結而不復釋兮吳江八月之潮來而不復去諒非目見而心識
兮雖巧譬其焉喻客有歎曰塹土爲城隱以金椎一雨之暴或傾
以摧之今此沙也質輕而性離得水而走得風而飛澶漫乎大漠
之北飄流乎崑邱之西曷稽天之巨浸兮獨此而相宜廉隅峻以
特起兮若斗之覆而四維潦盡不爲之高兮春旣漲不爲之卑風
揭石以拔木蛟鼉駕海而上馳捲近岸之邱阜兮若烈火焚乎枯
莫謂此沙旣無有兮當散入于渺瀰旦起而視之兮曾無毫髮之

或夷豈與息壤同生兮爲上帝之所私將富媪之多藏兮萬寶萃
而在茲豈女媧五色之石兮完天漏之所遺將神禹治水兮聚九
野之土以補東南之虧豈劫火之灰兮歲既久而莫移將神龍之
攸居兮百鬼夜築而守之微至理而莫得兮願先生之予思也張
子笑之曰子來前天地之間何所不有遠者莫諄近或可取今夫
積水爲冰及春而斲此物之常理也然凌人氏乃得而藏之聖其
土使地氣無所洩厚其覆使天氣不得下天且暑矣於是方謹而
獻之夫以一人之私猶能變易陰陽之度而況天地之大乎沙之
積不積流不流安所置論子行矣

惜交賦

范成大

屈原既遭子蘭子椒之譖傷楚國之俗朋友道薄始合之
難而終以輕背故著惜交之詞道知心之難遇故舊之不
再得動心忍性徘徊不能去君子覽之有以增義合之重
焉

余既有此淑質兮昔幽處而無伏悵佳人之眇覲兮走六漠而周
求歲甲子之初春兮維元日吾始遊紉木蘭以爲蓋兮抗杜蘅以
爲旂詔陳雨俾清道兮戒日星使燭幽恐駟驪之選軟兮又命飛
廉而挾輶狃天紘而驚列缺兮頰幽都與玄邱天地四方多賊姦
兮忽吾班乎齊州恍神釋而目粲兮悅夫人之好修佩鞶鞶之連
璐兮戴陸離之高冠紛雜鷺之朋飛兮儼黃鵠之隔蹕葆眾美以
自卑兮夫何獨處之嬋娟吾恐始合之易兮終離之者不難號百
靈而訊之兮筮告余曰吉者予令巫咸往招兮介蹇修而爲媒枉
若人之嘉惠兮命保介而戴予摻修袂而約言兮曰歲晚其與俱
入既與之同袍兮出又與之同車投我以蒼玉之連環兮予報以
獨繭曳緒玉宛轉而不斷兮繭縈紆而連縷谷風習其自東兮固
維風而及雨汝行前而予殿兮予安歌而汝舞至於今其十年兮
固知美惡周必復敏于德而日新兮羌未變乎初也修予容其滋
媚兮嗟采色其猶未暮也妬被離而害交兮讒翕脇而敗度雖君

子之石腸兮固將徇乎市虎兩造膝而笑言兮慘其間之容斧予
治容虞予善泐兮穎顏謂予汝怒髮甚短而怨長兮輿則固而路
艱蹇中道而如遺兮予既寡而汝鰥夫豈無他人兮焉有夫君之
好賢雖得汝於萬一兮終不及當時之纏綿彼日而食兮此月而
虧物不終盡剝兮信復盈之有時涕承睫而交下兮若孟津之流
漸敢誦言而怨慕兮恐眾人之汝窺曼予聲以悲吟兮託長風而
要之政木石必回睠兮將白首而爲期儻曾飛而不顧兮嗟此怨
之誰歸

望海亭賦

范成大

會稽太守參政魏公作望海亭於臥龍之巔率其屬爲歌
詩以落成錄其書來且使賦之余謹掇其膏馥之餘擬賦
一首以寄後日獲從杖履其上於山川之神尙有舊焉其
辭曰

諸侯之客有來自東而姪會稽之遊者曰佳乎麗哉越之爲邦也

縈山帶湖樓觀相望背臥龍而崛起煥丹碧之翬翔躋攀下臨顧
瞻無旁平疇蔚以穉綠喬木森其老蒼淙萬壑之春聲寫千巖之
秋光朝霞暝霏扶疏微茫望山河之故墟弔草木之餘社夏后萬
國之朝勾踐百戰之野興亡梗槩猶有存者至於流觴泛雪高人
之舊事浣紗采蓮遊女之遺跡鬱溪山之如畫尙彷彿其可識訪
故老以問訊興慨歎于疇昔是爲遊覽之大略而蓬萊觀風之所
得雖然士固多感而沉於對景以懷古撫事而凝情往往使人魂
斷意折洒澹而歌不平故麗則麗矣而未擅乎登臨之勝也若夫
浩蕩軒豁孤高伶俜騰駕碧寥指麾滄溟墮憂端於眇莽挹顯氣
於空明飄飄焉有連黿跨鯨之意舉莫如望海之新亭嘗試登茲
而望焉沃野既盡遙見東極送萬折之傾注艷寒光之迸射浸地
軸以上浮盪天容而一色珠輝貝芒蠹竦橫蜺快宇宙之清寬悵
百年之偈仄當其三星曉橫萬境俱絕浴日未動晨光先激波鱗
鱗而躍金天晃晃而半赤頽輪騰上東方皆白煙消塵作栖鳥振

翼俯羣動而紛起寄一笑於遐覲永我暇日苒其將夕餞斜暉於孤嶂候佳月于滄浦沈沈上下杳無處所驚玉池之破碎漾銀盤而吞吐忽褰雲而湧霧獻霜影於庭宇夜色既合初聞鐘鼓觴屢至而不辭詩欲成而起舞又若潮生海門萬里一息浮光如綫濤頭千尺方鐵馬之橫潰倏銀山之崩圻氣平怒霽水面如席吳帆越檣飛上空碧此亦天下之偉觀然猶未及乎目力燕香春容俗客莫陪神清意消徙倚徘徊天風激吹波濤闔開五雲明滅丹宮絳臺睇三山之不遠其爲公而飛來遂招汗漫之勝遊下飈車之逸軌屬紫霄之妙質侑玉笋之清醴勤歌鸞與舞鳳壽仙伯以多祉恍風雨之皆散但驚塵之四起悟真靈之不隔而何有乎弱水之三萬里也噫昔之居此者多矣曾靡暇于經營逮山靈之効奇發遺址于巖扃殫妙巧于天藏超埃壙而上征極觀聽之所接遂杳渺而難名嗟此樂之無央與來者而同登決背盪胸雪其塵纓且安知前日之蒼烟白露斷蔓而荒荆者哉顧客子之所能道者

纔管中之一斑惟覽者之自得會絕景於憑闌心凝神釋浩如飛翰而後知茲亭之仙意而凌虛御風之無難主人瞿然而起曰有是哉吾將觀焉

荔枝賦

范成大

紹興丙子夏有自行都餉貢餘新荔枝者坐客稱歎窮山所未嘗有呼酒更酌鼓琴以侑之且爲之賦時爲新安掾吾聞南國之南水激而山蟠鍾具美於一物繁化工之所難擱絳綃以袂服襲蒨桃而中單湛冰明之漼漼粲玉粒之團團荔生香之令芳泣仙液於微瀾走候置其萬里上玉宸與金鑾顧人間之流落纔千倉之一簞餉江南之病客索孤笑于顰端斥蜂蜜之黃膩謝佛桑之紅乾覺龍目之么麼哈葡萄之甘酸藉以秋雲之中薦以水晶之盤羞以燒春之浮醅相以流水之清彈迨風月之溫麗耿星河其未翻予一嚮而三嚮灑玉池之清寒恍醉夢之翺飛掖九天之風翰望涪江與閩嶺麾八極于雷鼙方溟濛其路暗倏

浩蕩其天寬岌芳宮與繡戶竊玉聲之闌珊款荔枝之仙人若平生之所歡謂客子其少留紛擘綠而破丹招玉環于東虛御清空之雙鸞訪長生之舊曲有千載之遺歎悵三山之回風驚南斗之闌干亂梧竹之滿庭渺雲海之漫漫

浯溪賦

楊萬里

予自二妃祠之下故人亭之旁招招漁舟薄遊三湘風與水兮俱順未一瞬而百里歛兩峰之際天儼離立而不倚其一怪怪奇奇蕭然若仙客之鑑清漪也其一蹇蹇諤諤毅然若忠臣之蹈鼎鑊也怪而問焉乃浯溪也蓋唐亭峙其南晤臺歸其北上則危石對立而欲落下則清潭無底而正黑飛鳥過之不敢立迹予初勇於好奇乃疾趨而登之挽寒藤而垂足照衰容而下窺忽焉心動毛髮森豎乃蹟故步還至水滸剝苔讀碑慷慨弔古倦而坐于釣磯之上喟然歎曰惟彼中唐國已膏肓匹馬北方僅獲不亡觀其一過不父日殺三庶其人紀有不斃矣夫曲江為篋中之羽雄狐為

明堂之柱其邦經有不蠹矣夫水蝗稅民之畝融堅椎民之髓其天人之心有不去矣夫雖微祿兒唐獨不賈厥緒哉觀馬嵬之威垂渙七萃之欲離殪尤物以說焉僅平達於巴西吁不危哉嗟乎齊則失矣而楚亦未為得也靈武之履九五何其亟也宜忠臣之痛心寄春秋之二三策也雖然天下之事不易於處而不難於議也使夫謝奉冊於高邑稟重巽於西帝違人欲以圖功犯眾怒而求濟天下之士果肯欣然為明皇而致死哉蓋天厭不可以復祈人潰不可以復支何哥舒之百萬不如李郭千百之師權而論之事可知矣且士大夫之捐軀以從吾君之子者亦欲附龍鳳而攀日月踐台斗而盟帶礪也一復涖以耄荒則夫千麾萬旗一呼如響者又安知其不掉臂也耶古語有之投機之會間不容穽當是之時退則七廟之忽諸進則百世之揚觶嗟肅宗處此其實難為之九思而未得其計也已而舟人告行秋日已晏太息登舟水駛於箭回瞻兩峰江蒼茫而不見

秋雨賦

楊萬里

楊子心疲于詩而病臞目疲于書而病眚故其畏熱如喘牛之見
月其喜冷如渴井而得綆丁亥八月秋暑特甚蓋歲行之十葺未
有今歲秋陽之強梗楊子不堪其熱仰而歎曰江南何物以餉餽
惟春寒秋暑之二味古諺有謂也安得萬里之長風吹層冰滿太
空以蕩此秋陽之餘紅者耶疇昔之夜袒肩露足呼竹君以為牀
命桃笙而同宿見一熒之青燈猶憎其助秋暑而為酷夜半驚起
飛雨驟至劃悲風之怒號借一鼓之聲勢淅淅乎牖戶之欲酒急
雪也洵洵乎松竹之摧落枝葉也磔磔乎茅屋之震響將壓也犬
雞夜鳴兒女啾嚶縮頸入腹皆作寒聲楊子亦震悼瑟縮而不寤
視絺綌其若仇歎衣褐之未營既不能寐坐而太息曰凍者願烈
日之不夕暍者思秋風之一滌不得則思既得則悲悲與思其循
環老忽至而不知俛仰干載孰能逃造物之化機蓋有能逃之矣
春不能煥秋不能肅天地不能老古今不能局聞之前修太上立

德次功次言所立惟擇三者必不能已而去惟功則繫乎通塞至
于德也者照宇宙之珠玉也言也者載仁義之舟楫也稟焉于穹
富以其躬莫歎其豐莫塞其通不曰國功而曰聖功楊子則窮且
老矣抑知有未嘗老未嘗窮者耶彼造物者自寒自暑自風自雨
亦何關於汝

海鱸賦

楊萬里

辛巳之秋牙斯寇邊既飲馬於大江欲斷流而投鞭自江以北號
百萬以震擾自江以南無一人而寂然牙斯抵掌而笑曰吾國知
南風之不競今其幕有烏而信焉指天而言吾其利涉大川乎方
將杖三尺以麾蛇豕下一令以令腥羶掠木縣估客之艤登長年
三老之船並進半濟其氣已無江堧矣南望牛渚之磯屹峙七寶
之山一幟特立卓彼山巔牙斯大喜曰此降幡也賊眾呼萬歲而
賀曰我得天平言未既蒙衝兩艘夾山之東西突出於東流矣其
始也自行自流乍縱乍收下載大屋上橫城樓縞於雪山輕於雲

毬儵忽往來頃刻萬周有雙鬯之舞波無一人之操舟賊眾指而笑曰此南人之善幻不木不竹其誑吾以楮先生之儔乎不然神為之楫鬼與之遊乎笑未既海鱗萬艘相繼突出而爭雄矣其迅如風其飛如龍我有流星如萬石鍾實自蒼穹墜於波中復躍而起直上半空震為迅雷之麟隱散為重霧之冥濛人物咫尺而不相辨賊眾大駭而莫知其所從於是海鱗交馳攪西蹂東江水皆沸天色改容衝颺為之揚沙秋日為之退紅賊之舟楫皆躡藉於海鱗之腹底吾之戈鋌矢石亂發如雨而橫縱馬不必射人不必攻隱顯出沒爭入於陽侯之珠宮牙斯匹馬而宵遁未幾自斃於瓜步之棘叢予嘗行部而過其地聞之漁叟與樵童欲求牙斯敗衄之處杳杳不見其遺蹤但見倚天之絕壁下臨月下之千峰草露為霜荻花脫茸紛擢謳之悲壯雜之以新鬼舊鬼之哀恫因觀蒙衝海鱗於山趾之河內再拜勞苦其戰功惜其未封以下瀨之壯侯冊以伏波之武功抑聞之曰在德不在險善始必善終吾國

其勿恃此險而以仁政為甲兵以人材為河山以民心為垣墉也乎

後蟹賦

有序

楊萬里

昔趙子直漕江西餉子糟蟹因為賦之江西蔡師定夫復餉生蟹風味十倍曹丕不再為賦之

司徒道明來自洛師至止江湄逢一湖海之仙貌似乎晉之解揚而其怒有赫骨像乎漢之彭越而其園中規獨愛其二執戈者前矣視其趾二四而有踦意以為吳中介士郭先生也不知其姓則彭其字則蜺也亟攜其手而上曰吾自渡江以來取友不少矣如孔之金如王之瓊吾皆得而友朋如魏之玉如庾之穀吾皆得而款曲夫子安在何相見之暮而不夙也於是齒牙嗜焉胸懷寄焉與之一飲一食而同醉焉夜半客起若有所刺者司徒腹心岑若有所崇者詰朝下逐客之令屏之陽侯之遐裔焉他日以天子之命作牧於豫章幕府初開遙攬俊良望見一客又似乎彭越與解

揚命典謁曰是嘗崇我而幾我傷者矣予不汝殺世無黃祖其生致之於是邇江而上之楊子楊子方晚飲聞其至揖而進之曰吾有二友維彼麴生與爾郭索老夫與之同死生不滅顏氏子之樂彼也日從予遊爾也久於云邈何相忘江湖莫我肯顧也何使我清風明月必思元度也爾之德吾能言之洗手奉職德之上也就湯割烹德之次也舖靈均之糟臥吏部之甕德斯為下矣客於是涕唾流沫圍視而饗謝曰士固有以厲亂真以遠間親聖而受圍肖乎形也孝而投杼同乎名也僕之主公昔以彭為郭今以郭為彭不遇蔡司徒幸遇楊子雲願借先生蒼頡之篇與太玄後引之文詳註爾雅彭郭之異族庶解嘲於司徒之門

南宋文範卷一

南宋文範卷二目錄

賦

雙瀑賦

王十朋

靈芝賦

薛季宣

萬象亭賦

韓元吉

拙蠶賦

韓元吉

思故山賦

陸游

館娃宮賦

王阮

鳳賦

羅願

竹賦

王炎

魚計亭賦

劉燾

延綠亭賦

陳造

松江蟹舍賦

高似孫

漫塘賦

劉宰

為高秀才作

懷仙樓賦

老圃賦

致遂賦

幽思賦

聞雁賦

茶僧賦

梅花賦

秋興賦

思後溪劉先生作

丙戌九月十一日

葛長庚

洪咨夔

陳文蔚

程公許

李曾伯

方岳

姚勉

陳普

南宋文範卷二

長洲顧少卿先生鑒定

秀水莊仲方編

賦

雙瀑賦

王十朋

王子遊簫峯之下訪鼻祖于仙籍駐杖屨于金溪觀雙瀑之千尺
于時驟雨初歇飄風迅擊飛泉洶湧湍激噴烟霧於蒼嵐吼
蛟龍於大澤百川震而澎湃萬類紛其辟易疑若傾崖轉壑變邱
谷而為陵又類萬馬千兵奏鼓鼙而赴敵久之狂潦微殺巨流順
適靈源復尋於故道雙派交馳於絕脊勢偶殊而卒合路雖分而
稍迫玉筍垂兮拂輕寒長紳拖兮蘸深碧疑若鯨鯢鬪怒兮力未
決而方酣干鏌爭鋒兮光交騰而互射嗟天匠之施巧兮作勝事
于泉石顧一派之罕有兮豈雙流之易得不見夫銀河落于半天
兮破廬阜之山色梅雨飛于石門兮敞芝田之靈蹟潭千丈于石
橋兮渺仙凡之路隔龍雨湫于雁蕩兮分大小而異宅彼獨溜而

孤飛兮猶擅名于今昔況並峙而爭流兮作人閒之連璧吾欲窮
千里之源兮問化工之始闢思漢使之不復見兮恨靈槎之難覓
獨終日而登臨兮寄吾懷于幽寂興雖盡而忘歸兮猶待乎風清
而月白於是目瞬飛流之末耳洗寒潭之側思往事之微茫仰遺
風而嘆息竈中烟冷難尋入竹之人峯頂臺荒不見吹簫之客賦
罷乃歌而歸曰雙瀑之水從何來靈源千尺高崔嵬飛流噴沫飄
瓊瑰空山落日鳴春雷有客來遊獨徘徊枕流漱石興悠哉塵衿
濯罷颺然回風清月白空簫臺

靈芝賦

薛季宣

宋興二百有三年封陞載寧狼烽不驚上乃高揖凝旒棲神泰清
天之與子法舜承堯祗載夔夔齋栗以朝帝被袞章昇策寶列旌
麾羅羽葆太師輔前少師保後工瞽登歌奉常贊道有覺彤庭皇
拜稽首上天子之父號曰光堯壽聖太上皇帝母曰壽聖太上皇
后宮維德壽康壽其堂色養無違儀刑四方二聖相歡用惟其至

仰孝俯慈假天準地二氣之精百物之英誕秀靈草乘時挺生隆
興惟甲申歲之陽羲皇御寅斗直東方有茁者芝有繁其房不植
不根于殿之梁輪困扶疏馨香有馥紫色芬苒交光晷日歛騰龍
而翥鳳追金相而玉質煥耀宸居清明帝闈閱之者神驚瞻之者
目奪一本同科支生十二錯地分州蟠天列次瞻彼日月膺期嗣
歲亦有律呂八音以諧僊館玉樓光于泰階皇帝乃命東觀啟鑰
書披瑞命之篇參瑞應之圖驗通儒于白虎稽神契于孝經僉云
王者孝慈則芝茂又曰養老則芝生深仁是加于草木祥應是接
于仙靈故肅宗養親而產延英之座孝武嚴帝而秀甘泉之庭於
是聖心悅懌稱賀喧譁皇上賦玉華之詩太上發芝房之歌君臣
動色室家胥慶被之于服章聲之于謳詠蚤獠以之輸琛海波以
之愉靜戴白之叟成黃之兒爰及閨房笑語嬉嬉自慶未始識也
若豈天降而人爲哉粵自狂生小子樂稱古德喜溢于顏憂形於
色謂和氣致祥允天子之慈孝天施地產誠聖人之達德也乃若

漢之宣章號稱七制仁民得天休符接至桓靈何道而產中黃之
藏有芝英之瑞也由是言之妖祥叵測爾疋離騷乃尋乃繹乃列
芝蘭乃識菌芝或云產于崑阿采於山而有之蓋希出堂殿高華
之所有沾濡鬱結而爲會胡多之可尙青龍之際乃一柯而三十
有六支此何做所稱生庭之怪草崔光以爲蒸氣而生之也乃其
奇祥有取蔑聞往古方士多歧有傳漢武逮乎季末諛辭麇至鬼
目呈符菌宮賀瑞豈黃精鉤吻有時而亂亦雞蘇豨苓有時而帝
也於惟我后秉文之德昊天景貺三辰曜色雖無此芝何損於治
生禁之庭亦孔之異此不可不察者誠何足以當上意也悵天居
之高遠美欲告而誰言聊陳辭而寫志庶有發于塵編亂曰靈芝
秀兮爍宮庭春秋易色兮隨月而生神父慈兮君主孝貺珍符兮
天之云告我欲排閭兮雲路迢遙物怪司闡兮翅折之招爰紆懷
兮作賦讜六丁兮下來持去

萬象亭賦

韓元吉

紹興十有三年石林先生自建康留鑰移帥長樂惟公以
文章道學伯天下推其緒餘見于政事時閩人歲饑餘盜
且擾曾未易歲旣懷且威倉廩羨羸野無燧烟民飽而歌
乃闢府治燕寢後築臺建亭盡攬四山之勝字曰萬象公
時以宴閒臨之命賓客觴酒賦詩以紀一時之盛某適以
舊契之末獲拜公于庭知邦人之德公而公之能與其樂
也退而爲之賦其辭曰

石林先生治閩之初邦人詠歌延覽登眺臨城之阿面長江之迴
旋俯重嶠之嵯峨翦凡草于荆杞發層臺之新基收攬宇宙以萬
象而目之先生曰天地之內所謂景與物者不可以旣也方其交
于吾前而其象無窮觸于吾心而其意無窮惟達者可以道會而
不可以知通矣斯亭也處于戶庭重複之末而出于闐闐膠擾之
中危梯直上十尋倚空窺井邑之鱗次張九衢之飛塵聳聲晝起
人烟續紛厲絲竹之餘響郁椒蘭之清芬當其連山如環秀色四

出林巒鬱其映帶烟雲度其髣髴陰晴變態所獲非一極東南而
凝睇莽遊目于窮髮海波蕩漾蛟龍驚獮粲朝日之初昇數山川
于異域颶風角于天際卷千帆之飄忽或一瞬而千里或窮年于
咫尺瞻雲鵬之獨運哀斥鷃之短翼天池倏其九萬羌決起于蒿
蒻白鷗去而西飛澹長烟之遠沒田疇俯見禾黍如績耕夫耦而
長謠牛羊散于沙磧餘霞被于林杪明月皎其東壁掛北斗于欄
楯瀉銀漢于雉堞披風露之冷爽想飛仙之來接聽雞犬於雲中
奏笙簧之激越歎佳賞之奚盡雖妙意其莫述惟吾與之所寓與
彼物而相得故可以追閩風之遊而謝華胥之國也客有聞而歎
曰嗟嗟先生百代之英玉堂金馬載蜚厥聲厭帝所之鈞天斂光
芒于一藩而餘風所被猶足以息潢池之盜而慶高廩之豐年矣
今夫此邦之形勢最於八州繚周垣其百里渺澄瀾而爲溝三峯
峙而鼎足蓋有類夫蓬萊與瀛洲自無諸迄今千有餘載中更王
氏窮侈自泰異時離宮別館乘山瞰海而今之所存大則浮屠老

氏之室小則公卿大夫之廬鳴鐘相聞擇勝以居飛欄危榭往往
而在倚巖壑之幽清翳松檜其晻靄雖一班之或見曾未若斯亭
之宏大碧油畫戟來藩此府往賢近臣蓋已百數慨登臨之遺迹
咸褊陋而無取獨先生至而有之舞山光于簾幙馮地勢之襟帶
雜支離之萬種爛錦幄其旆旆薦醺醺于樽俎剝珍錯之螺貝發
角徵之清唱挽行雲于天外使邦人聚觀白首驚拜豈吾先生浩
然之氣六合爲隘蟠萬象於胸中耿星辰而不昧遇至美而一發
借佳名以自快而景物之來適際其會彼千古而莫識信一時之
有待者耶於是先生聞之輒然而笑眾賓避席迭起爲壽

拙蠶賦

韓元吉

韓子晨起視牕中有物延緣投隙抵穿口如飛蛛足若蟄
竝呼嫗輩問之嫗笑曰是拙蠶也絲疏而弗績食飽而嗜
眠亡所用旃戲置此焉韓子感而賦之曰

繫樛櫟之不材兮信能保其天年豈有用之則貴兮抑不用之或

偏吁造化者奚私兮盍亦賦之自然惟桑蟲之何知兮生蠢蠢而
比肩資採摘而不自養兮甘鼎鑊之烹煎大則施于紈綺兮細則
麗爲純綿雖曰衣被四海兮猶爲蟪蛄之所憐方眾巧之競驚兮
萬族仰哺而爭先何繭粟之弗爲兮恥營軀而自纏匪畏死而遁
逃兮將羽化而飛翾宜婦姑指以爲拙兮蹇冥心于棄捐彼莊生
取喻于犧牛兮支離攘臂于兵閒不能務悅於人兮殆亦自全其
天聖有抱璞而深藏兮時有不爭於尙賢粵撫檻而三歎兮吾亦
樂乎太玄

思故山賦

陸游

陸子爲嚴州逾年困于吏役悒然不樂日有秦稽之思乃
作思故山賦其詞曰

仲秋之杪木葉旣落殘暑告歸靈雨未作川原奇麗天宇澄廓風
瀟瀟而未麗日暉暉而寢薄陸子于是被白衿之單衣躡青雲之
雙屨抱嶧陽之寶琴引華亭之雛鶴出衡茆度略杓榜一葉之輕

舟凌浮天之大壑白鷺下渚文魚出躍荷蓋摧柄竹枝隕籜松翳
翳以藏寺柳疏疏而帶郭行欲盡而更賒望若邇而逾邈俄而披
煙霞觀嶽粵千峯巖岷嶂聯絡或聳起而鳥騫或怒奮而獸搏
或雖容而暇豫或峭厲而刻削或方行而疑立或將前而復卻連
者如隄斷者如狝廣者如屋銳者如掣泄雲如甌蓄雨如橐或平
如燕居之几或壯如行軍之幙或筋脉奇腴如夔魍之歛見或竅
穴穿空如渾沌之初鑿豈惟西壓青城北揜紫閣固已擅雄秀于
三江邁甫里之旁礪矣予乃涉淺澗之淙潺步蒼崖之犖确擷幽
蹊之凋蘭撥孤洲之芳若歷市聚之雞犬望塔廟之丹腹耕隴參
差蔬畦交錯則有野父樵童迎揖而勞苦道翁藥叟一笑而相握
拂藜牀以延坐持黍酒而請酌林饅牛耳粟醢雉臠陳升果蔬調
變羔酪超世俗之澆僞有太古之簡朴或驚齒髮之衰殘或喜精
神之矍鑠或譏宿負之久逋或諷浮名之奚樂嗟餘日之幾何將
舍此而烏託予仰而嘆俯而忤蹴然而起謝曰僕所謂自用而愚

寡要而博貌智而中粗類強而實弱者也凡子言者敢不敬諾請
謝曩昔之過更堅後日之約可乎今余年過六十血氣已索春憂
重脆秋思瘴瘴飲不醮觚食不加勺衣食之奉減于市藥雖富貴
而孰享矧刑禍之可愕倏平地之濤瀾忽闖首之蛟鱗以吾身之
至貴就華纓而自縛旌搖搖而靡定舟泛泛而安泊逝將歸而即
汝尚農圃之可學指白日以為盟挽天河以自濯冀晨春之相聞
亦社酒之共釀春原出而耦耕秋場築而偕穫僕之念歸如寒魚
之欲就箔也若曰金棄于躍治足別于獻璞退居之言困而後醉
識謝獨見機味先覺則敢不歛衽正容以拜父老之罰爵

館娃宮賦

王阮

泛浮玉之北堂得館娃之遺基從先生而遊焉揖夫差而弔之或
曰是可唾也奚以弔為哉夫沈湎以喪國固君人之失道然而有
鐘鼓者胡可以弗考聞管籥者民喜而相告苟厥妃之當愛惟恐
王之不好矣是則女樂亦可少乎必曰夏有妹喜商有妲己周有

褒姒而吳以西子苟求其故未必專於此也齊有六嬖威公以興
正而不諂聖人稱焉非夫九合一匡之業得仲父以當其任則其
一已之內少有以自適者舉不足以害成邪關大夫進夏德豈昏
微子得政商豈穢聞蘇公家父並用則烽火豈得妄舉子胥不見
戮則吳之離宮別館至于今可存抑夫差之資異在列國亦翹楚
一戰而越沮再會而諸侯懼使僅得一中佐置雙翼于猛虎惟自
剖其骨鯁而放意於一女敵乘其閒無以外禦杯酒之失何足問
獨為此邦惜殺士之舉也此士不遭殺夫差不可愚苧羅之姝適
足為我娛胡得而竊吾之符榮楯可居適足華吾廬胡足以隳吾
之都惟忠良之既誅始猖狂而自如臺兮姑蘇舟兮太湖食兮鱸
鱸曲兮栖烏宿兮嬪嬙修明兮夷光二八兮分明捧心兮專房徑
兮採香屨兮響廊笑倚兮玉牀柰樂兮東方稻蟹種兮不遺爭盟
兮黃池無人兮箴規有仇兮相窺至德之廟遂為禾黍悉陂池與
臺榭條一變而梵宇八笙歌於海雲令聲鐘而轉鼓儼麋鹿之容

與瞰僧儀而觀觀駭越壘以在望奚五茸之閱武松引韻以嗚咽
柳翠眉而凝佇山黯黯兮失色水洶洶兮暴怒追此謬於千里本
差之於毫釐譬之養生捐其良醫逮疾作於中夜惜藥石之不知
志士仁人所為太息於斯焉蓋嘗反覆於此竊謂種蠡亦可哂也
句踐方明舉國以聽十年生聚三年教訓以此眾戰何伐不克何
至假負薪之女為是可恥之勝哉始其土城誨淫自君終焉五湖
合權其臣青溪之典不正金谷之義不立悠悠扁舟遂其全璧使
之脫鼎中之魚而羣沙頭之鷺返邪溪之蓮而吐洞庭之橘竊謂
越之君臣何其陋于此役也越則陋矣吳亦太庸士目既抉夫誰
納忠可辜人之亡已其自反而責躬乎公既然雍相與斂容起視
四山之中覺蕭蕭兮悲風

鳳賦

羅願

有物於此窮高處遠而眇聽在人舉動闊疏萬里若鄰汎覽天下
察暴與仁威儀皇皇文采錯陳百姓延頸願得以為賓天下無之

竹賦

王炎

則俗薄有之則化醕堯禹之功待之而後信外臣不敏敢咨詢之
公曰此夫被袞載律以自喜者與形可繪而不可致者與閱歲千
百不一當其意者與凡類其形而聖人其智者與凌崑崙而不頓
經弱水而不溺處則一二動則萬億無道先去有道不匿以正歷
紀以名官職以調廟樂以書帝籍夫是之為鳳德

小人之情得意頡頏自高少不得意則摧折不能自守君
子反是竹之操甚有似夫君子者感之作賦以自箴

晦叔讀書南齋之上門巷僻左交遊日稀環以桑麻之場帶以瓜
芋之區路折西南萬竹蒼然下緣乎曲澗之湄其清可以延風月
其高可以擾雲霓珊珊乎鳴蒼玉之佩搖搖乎舒翠鳳之旗森森
乎甲冑之雜崎而切切乎矛戟之參差其偃蹇挫折者如忠臣烈
士赴患難而不辭其嬋娟蕭爽者如慈孫孝子侍父祖而不違其
挺拔雄勁者氣毅色嚴又如俠客與勇夫其孤高介特者格清貌

古又如騷人與懼儒子雖朝夕吟嘯於其下曾無以名其美而狀其奇然泛觀宇宙之萬物均涵育於一氣而有剛柔堅脆之不齊榮者必悴盛者必衰實繁者易剝色麗者蚤萎惟松柏之有心及竹箭之有筠足以閱寒暑而貫四時春日載陽山川含滋零露兮宵潤惠風兮曉披或萼或條或茁或莢含英吐華天神怡怡竹於是時清而不腴冬日祁寒天地積威雪慘兮冰堅風饕兮日淒川原千里木脫草枯香盡芳歇掃迹無遺竹於是時秀而不懼今而後見其含德之有常持操之不移此吾所以無羨渭川之千畝有取淇澳之猗猗願交於金石邀歲寒以爲期否泰兮消長剝復兮乘除秉吾心之堅石視此君乎庶幾

魚計亭賦

劉燾

玉溪先生結廬章泉之上垂七十年無軒冕之累已有簞瓢之樂天揭魚計以名亭紹祖風於圃田君一日飲客於斯亭之上超徜徉以自得顧萬象之皆妍時也日將夕而紅酣沼無風而綠淨炯儵魚之成羣闖寒波而遊泳若空行而無依涵天水之一鏡俄初月之沈鉤倏深潛乎翠荇其浮游也似無心而時出其遠逝也似見幾而知警先生忻然心曠神怡諷小宇之雄篇哦稼軒之英詞客有起而問曰魚本無情何計之爲子固非魚奚魚之知先生笑而應曰謂魚爲有計耶子將誣予之欺謂魚無計耶吾亦笑子之癡蓋以兩忘而俱適可也抑嘗卽莊生之言而試思乎粵自太古邈瀟風離勇者角力以倖勝巧者矜能而街奇苟一餉之可樂快性命而爭之謂謀身之允臧卒反蹈于危機偉南華之著論將警愚而覺迷富貴人所嗜則媿之腐鼠紛華人所羨則況之文犧爲利而鬪則爭地之蝸巨智而死則剝腸之龜獨魚之自適其適若忘情於得喪故大則述鯢化於天池小則玩儵遊於濠上蓋其爲物也從容夷猶逍遙閒放靜則以蘋藻爲室廬動則視江湖爲尋丈不借潤于噓濡而適情於沆漭任公何所投其轄豫且何所施其網此其所以爲得也彼區區之蝨蟻利暫安于鼓蠶饕微腥於

砧几又烏可同域而議哉嗟利欲之誘人甚香鉤之餌魚彼潛鱗
之何知甘顛冥於畏途此纍棋危幢之喻字子所以慨然而長吁
也睠我生之無庸幸脫世之羈馱付萬事於浮雲獨觀魚以終日
誠作計之甚左嗟身閒而心逸于是客憮然自笑曰先生之言達
矣僕何足以闕其萬一乃相與酌飲浩歌不知烏輪之東出

延綠亭賦

為高秀才作

陳造

子高子襟度翛然抱負崛奇辟俗如讐而愛客如色故築亭寄隱
屹莽蒼而瞰渺瀰方竭澤而揚塵嗜吾遊之不時因援毫而進牘
聊想像而嗽詞爾其泓渟兮鏡揭浩泝兮天垂妥寒晶之如空湛
蔚藍之無涯奏蛙吹以分部凜冰崖之合圍素揚暉兮連娟紅倒
影兮芳菲目謀心愜把玩四時晴雨晦明雲烟紛披江籬芷蕩之
綠縹別崎枉渚之因依眩多景之偃蹇隱几者默焉袖手領覽而
無遺固可以動楚客之清吟抗陶觴而一揮况夫挺萬蓋之傾敞
覆千鞵之逶迤嫣然笑粲媚靚妝與醉態或玉頰而冰肌無乃飛

瓊姑射之娣姒儔侶儷香叢艷不招挽而陪隨彼翔翠碧于蘭苕
點屬玉於淪漪皓鶴側頸于淖瀼鵲鵲偵影於鯤鰲烏鵲窺簷而
諄語意而拂袂而差池則皆怡然莫逆相晤忘機者也至其樵歌
之斷續漁笛之嗚吟欸乃之無惡聲答管之有安棲塵外之適子
其可私若乃悟直鉤之妙意飮葦閒之新得儵有至樂鷗無驚飛
則又有以超然乎芸芸之表豈獨詩可瓢而酒可卮予將為子飽
道腴而醉真醕何必要汗漫而與期

松江蟹舍賦

高似孫

鳴夷子皮既相句踐讐闔廬殄夫差弔子胥無纖恨于越人遂騁
懷于西吾乃昂然作喟然吁曰兔死犬烹鴻罹于罕古人所危吾
其亟圖方將朝三江夕五湖一去不回樂哉此桴屣其遺於人閒
情嫋嫋於姑蘇水統乎笠澤天包乎巨區松陵互湖太湖交瀦川
納壑府波畫邨墟石罅碕岸崖釐別嶇波程杳渺水路盤紆洄渚
碁布聚落星敷采之于山則綠膩女桑黃苞橘奴收栗貢梨剝棗

擷茶取之于水則絲被紫萼筍含青菰采菱舂芡食蓮燒蘆是皆
舟子所鄉魚郎所廬葭菼兮爲城莞葦兮爲郭鴻鷺兮爲鄰鵲鴉
兮爲徒時則天澄月淨風恬靄舒或霧氣之濛沫或烟雨之扶疏
棹歌亂發漁榜疾徐命儔笑侶靡一不魚蔭柳邊之巢慘注隔花
之昏雛兒奏輕笳婦呼飛鼠水事滅滅一發靡虛乃有膾殘之鯽
四鰓之鱸瓊異叢毓鱗甲紛拏腥皆會于漁市羨足給于魚租至
于露老霜來日月其徂萬螯生涼含黃腩膚其武郭索其雄睚盱
其心易躁其腸實枯勇鼓而喧集齊奔而並驅鳴夷公顧而笑曰
昔者吳之將微民甚艱虞厥有躁亂害于菑畚是固汝輩之所騁
者歟吳人趨而告者當是時也善有鮮鑿貞有罕孚樂鳩乎毒習
甘乎諛一豔方妍漂香沈珠樂極危生淪胥以鋪是故非蟹罪也
維我吳人以漁爲娛每施勤于篋斷皆得志于江塗方洞庭兮始
霜熟萬稼兮豐腴執一穗兮朝魁目洪溟兮爭趨工緯蕭兮承流
截罾沸兮防逋燎以乾葦檻以青奴喧動涼蕤驚飛宿鳧其多也

如涿野之兵其聚也如太原之俘蟹事卓犖八荒所無今敢藉以
涼荻束之風蒲願奉一醉獻諸大夫大夫嗒然笑曰嗟汝吳兮巨
麗樂太伯兮開初括于越兮自裕跨蠻荆兮遠模于星紀兮經略
控軫野兮車書至若藪澤幽靈川瀆漉滂灌注兮天下之半鬱拂
兮瀛洲之居忘越矢之條西歎廉臺之交燕余方超萬物兮如蛻
豈一蟹兮樂且吳人再拜進曰大夫高矣儂聞宅金湯之固者莫
崇乎德者也建竹帛之功者莫勇乎謀者也目吳越之成敗愾君
臣之嗟戲然儂者生長水國子孫澤隅朝莫一艇暑寒一籩老魚
鼈而爲命狎鷗鷗而不孤久與世以相忘亦傷今而欲痛大夫方
將謝軒冕樂樵漁儂玄機兮相高庶嘉遯兮不渝今儂有粳可炊
有酒可沽幸江山兮如待祈風月兮無辜大夫爲之欣然曰若子
者是豈以蟹爲業者歟非渭水之遺智必山澤之修壘深樂其言
藏道于愚欲去兮徘徊欲逝兮勤渠舉酒酬酢道古哀獻與之釋
縛爲之拍浮劄甲如山壘橙如舖意悟忘言酒深相扶指青天兮

自誓幸來世兮知予眇煙水兮莫流迅孤舟兮長呼蟹翁者三歎
于邑四顧躊躇掛長江而如矢聆浩歌而莫能俱其歌曰天高兮
月寒天風兮水急鴻遠兮汲汲人有慕兮可嘆及老霜澤號遺漁
斲有蟹兮風有魚酒答天兮天知予子不得兮愁何如又歌曰洞
庭兮既波松江兮未雪一舸兮自決知者樂兮樂者哲蟹健兮魚
肥風吹觴兮酒淋衣知有蟹兮不知時若斯人兮其庶幾

漫塘賦

劉宰

張端衡謂漫塘叟曰余昨宦東州客有問漫塘之景者余
無以應或又有徵圖于予者曰子漫塘里中人也寧無之
余又謝無有既歸將與好事者謀之而遊乎塘之上見景
物之無奇遊觀之無所難之可若何叟不對退而援筆爲
之賦其辭曰

東沿柳巷北屆蔬畦小溝環其南通川漫其西靡種靡藝不薈不
洽葭蘆茁而映帶成行沙土潰而壅底爲堤茶蓼叢生蒲稗因依
菡萏紅白錯如布棋爛乎若吳陂初按於彩陳粲兮若月宮更下
於瑤池翠蓋亭亭芳氣菲菲鷺慣圓沙之宿魚便密藻之依蛙蚓
鳴爭而鼓吹百萬鴛鴻來下而爛熳舞衣雲斷而霞散錦綺風平
而月漾玻瓈茲實天壤之真趣有非世俗之可知亦有新齋臨平
水涯小橋斜徑矮屋疏籬雨未多而泥沒膝門雖設而草侵扉朽
木慣宰予之晝寢青苔驚玉川之夜歸仙舟自去誰爲元禮高軒
不來孰爲退之叟之辭未畢端衡曰止余聞李愿安盤谷之居杜
老喜浣花之寓彼豈玩志于物縱心佚豫蓋以厭俗喧卑脫身遐
舉要必有偉麗之觀幽閑之趣以澡雪其精神澄清其志慮庶白
日可到於羲皇而宵夢足通於帝所况如吾子內絕意於聲色外
忘懷於圭組爲計已決歷年已屢而是塘也廣深雖愧蘇夫子之
滄浪而僻遠亦殊柳先生之鉅罟其隘也可闢其闕也可補胡不
增其高而爲基夷其平而爲圃畫舫浮深修梁跨阻嘉花美木之
列植真館涼臺之接廡使鄰曲改觀兒童欣舞顧乃計失於因循

事成于莽鹵豈惟無以自適於一時抑恐由之詒笑於千古漫塘
叟曰吁巢居知風穴處識雨顧吾與子雖同聲氣尙殊出處子寧
規我以目前之苟且毋寧休我以方來之謗譽彼花迷金谷之園
雪冷袁宏之渚淒涼釣瀨富哉鄙鳩試由今而視昔果孰去而孰
取張子由是俛然而思釋然而悟曰子無俟於索言吾特從而戲
汝

懷仙樓賦

葛長庚

巍乎高哉斯樓位置上接層霄下臨無地宜羣仙之所居日觴詠
以爲娛與造物以遊遨有青天兮爲徒曉日曛曛卷上珍珠十二
闌干悉如金鋪翠煙藏山乍有忽無晚風颯至琪林扶疏明月初
上天籟虛徐松竹起舞自然笙竽樓中仙子於此時也玉爐金鼎
妙香繞衣興卽舉酒醉卽賦詩詩成大笑鬼神歛歛仙子自樂問
天何時至如霧雨空濛千巖顯晦平田萬頃白水汪濊一望冥茫
如江之滙星月交光空水澄霽下視女墻花木蔽翳滿城樓臺飛

躍天際及乎夜深清露飄墮八表無雲烟沈斗大與彼晝閑玉雲
在簷飛鳥啼斷落花連纖仙子呼青童命素娥捧翠盤薦金螺白
眼視朱紫未許飈塵高眇吟情其不極放草聖以舒豪覽江山以
慨想望虛無兮高遠嗟光景兮如流覺青春兮婉婉於是勅六吏
檄五官竄三屍于太淵殛六賊于崑崙嘯命風霆歸奉絳君延羲
娥於大庭友堪輿於無始烹天得滓煉道取髓蓋將把八空之氣
御九極之風呼玉鸞以爲轡使瓊英以爲容者也故闢斯樓於焉
興懷夫樓之北鬱然高岡則任敦于此乎仙樓之南紫氣在望則
何氏九僊于此乎得道樓之東鹿徑就荒榴洞猶存樓之西怡山
翠峙壇空井寒彼何人斯有志者事竟成也

老圃賦

洪咨夔

嗟余生之刺乖甘緬密而卽疏痛虺隤其倦遊羸盤薄乎閒居老
旣怯於山嶠窮莫備乎澤車坐玩相牛之經閒鈔種樹之書五十
步兮野園數百步兮破廬一禿翁以自樂羣癡兒而共鉏冰解寒

法霏開日舒濯濯我哇瀏瀏我渠穉甲怒長鮮莢蔚扶涉熟成趣
驩然忘叻翁放鉏顧兒而言曰汝亦知夫世有遇不過之蔬乎鴛
釀施蓼麤醢侑菹菽蒲羞鼈食菘薦魚芥醬且菽蔥漆且胸烈有
桂椒滑有堇榆已多乎燧人庖羲氏之初而況織翠屠蘇殷紅甍
餽淋漓觴罍轟厯鐘竽猩唇豹胎之鼎素龜紫駝之厨始饑涎其
趨新中便腹而厭餘於是葷臊望風而引卻芳辛候色而應須擷
翠茗於崑邱掇瑤穎乎方壺蔗漿盛夏而凍合萍蘘祁寒而煖敷
行以白玉奉之綠珠五侯鯖兮遜美天酥陶兮失腴此其遇合不
啻初識之機雲晚見之嚴徐也若乃巖壑棲遲竹屋權籬尊擅場
於秋風空結鱸魚之思非爭長於春雨未辨黃梁之炊荻生而河
豚上橙熟而蟹螯肥指雖動而莫驗腹不負其幾希已而凌寒采
薇近陽刈葵祛萱堂背檐芹澗澹鏡黃獨之雪苗筐白薤之露蕤
茗靡蕪以滌煩醪枸杞而補羸冷淘煮兮槐苗餽餽斫兮蘘滋泣
膏餽兮電突飮糞火兮蹲鴟酣糟紫薑之掌沐醢青蘆之絲雲蒸

鸞粟之乳濤洵胡麻之糜輪困鵝鴨之瓠鬱屈龍蛇之芝婆娑熊
蟠之嵒鬢髮蚪髯之落鱗孕子兮梭魚髓解裙兮樹雞竹競綉兮
稚子蕨初拳兮小兒以至太華之藕黃河之茹婆羅之波稜大宛
之苜蓿南越之鹿角江東之專蹄與夫蜀之雞蘇龍鶴枳脯加皮
名器紛綸色光陸離性異溫涼氣分王衰筆擇加精調膈得宜香
聞爽心味適解脣有舉按之接敬無輟釜之見欺芬芬苾苾雜陳
更進可以甦文園之渴療首陽之饑彼其石芥老而愈勁苦笋少
而已奇焯育拂士之風菊抱幽人之姿回睨蔓菁隨地而易質薯
蕷視人而變形曾不滿乎一噉矧肯數乎惡莖邪蒿臭蒜而穢葵
然是蔬也進不榮於珥貂鳴玉之齒退不豪乎灑削胃脯之頤煙
雲歎薄乎夜讀之吻風露簸蕩乎朝吟之脾與齋益其爭道食方
丈乎何期其不遇可知已兒拱而前其然豈然諸葛以姓行元修
以字傳玉糝得坡老而重銀茄為涪翁而妍與其見賞於肉食之
鄙孰若託名於粹茹之賢蓋窮患姘名之不立而不患併日之食

粥達患宿學之不行而不患一筋之萬錢苟道義之信飽飯蔬食而樂焉翁捧腹一笑長歌振林皎白駒之束芻毋金玉兮爾音

致遂賦

陳文蔚

余生多艱勞筋苦志顛頓萬狀少不知學意謂約可使豐窮可使通未免有出分之想既登師門日夕講貫浸灌之久始悟昨非且得動心忍性之力紬繹大易致命遂志之旨謂命者一定而不可易一以委之而從吾所好因作賦以自述其辭曰

猗維皇之降衷曾靡聞於賢愚既均賦於四端又何別於錙銖乃天命之流行凡有生而與俱苦稟氣之不齊未免乎分量之拘匪亨塞之爲異則厚薄之有殊亨匪出於人謀塞亦根乎厥初薄豈使人不足厚豈欲其有餘繇分定之故爾人力詎能加損諸偉哲人之稟靈合天人而爲一順造物之自然於吾心而罔窒雖有通而有否與或得而或失蓋先定於冥默豈變遷於此日達則行於

當世窮則藏于一室知在天之靡常恃修爲之可必不以寬而舒徐不以窘而迫怵雖素乎貧賤患難嘗日休而心逸不可倖者一以付之所當盡者未嘗或失第從吾之所好匪避勞而趨佚既無入而不得動每見於逢吉彼昏庸之弗明嘗隕穫於所疑凡一定之天命謂可勝以人爲動欲任乎智力謂禍福之可移曷於理以弗察根厥命之不知既行險以僥倖遂倒行而逆施稽有命之前訓豈聖賢之我欺羌醉生而夢死奚止于小黠大癡慨吾生之多艱自青陽而已困意利達之可營冀鵬圖之一奮何所嚮以背馳既中途之顛頓當利害之相形尙胷中之交戰幸天誘其懦衷就師門而學問承教戒以非一希遯世而無悶雖志苦以筋勞敢人尤而天怨中既有以自信外雖榮而不願誓將以此而終吾生又何有乎遺恨辭曰富貴浮雲吾何求分從吾所好聖門遊兮甌儲不繼亦忘憂兮處困而享樂林邱兮彼窘室廬山爲囚兮此順天命心休休兮

幽思賦

思後溪劉先生作

程公許

閔吾之生離阨兮天降割其孔殷父我鞠師我誨兮逝將托焉而
終身粵龍蛇之歲度兮梁壞悲乎哲人颼颼風木重以哀兮上下
求索又莫贖于吾親既縣封而反虞兮感陽春以增悼西余首悲
無涯兮俄遠日之余告嗚呼先生兮一朝倏然其何之其生有自
來兮其死必有歸望寢門已疏兮安所得而陳詞鳳凰承詔而翼
車兮軼浮雲乃曾舉周流四極經營八荒兮渺不知稅駕之奚所
抑將狃絕炎儔傳說以綴列耀兮無乃噓紫氣謁柱史而扈西征
憑緒風以誰訊兮九天不可梯而升佇影響之不可得兮杳茫茫
之不可明士一善斯可錄兮矧眾芳之能并皇皇仁義之廣居兮
坦坦道德之九遠苟肖形皆可與為善兮志皓首而不衰春秋八
十有一兮士渠獲而國蕃龜隘世路莫能久此淹兮趨無為鄰秦
始其奚疑竊悲夫五百年之間生兮艱于遭遇而易失德容玉瓚
之黃流兮斯文清廟之遺瑟氣盈虛烏可常兮道汗隆又何能必

逝川不可挽而回兮後將焉所考德世坎窞日阨危兮俗冥行而
莫止悵已往之莫追兮惕來者之將躓天蒼蒼莫可詰兮胡一老
之不憖遺震余衷而私有感兮憶往日春糧而求仁聞一言曰充
養兮今十年而書諸紳再跪履于里門兮願卒業乎涪濱北面拜
手槐杏之陰兮吾今而知師道之尊紛戶履之三千兮奚狂簡之
下取愕風雨之詠歸兮變薤露之惻楚哭匍匐以無因兮愧獨茹
哀于廬處愧端木之事師兮躑躅六年而不忍去苟逝者而有知
兮尙觀過而我怨嗚呼哀哉三石孱顏兮後溪之堂萬松蒼蘂兮
清溪之岡子孫兮孺慕歲時兮烝嘗化鶴歸兮何時山嵯峨兮流
水洋洋睨故邦兮蠶蹙尙弭節兮相羊千秋兮萬禩先生兮不亡

聞雁賦

丙戌九月十一日

李曾伯

颺金高露玉冷黃簾垂碧幕靜屬文書之燕閒與親友以笑詠聞
其何聲隱若可聽始縹緲以甚遠繼嘹唳以漸近如故人之好音
將客夢以呼醒乃呂令之求賓殆漢頌之遇順僕木壯夫頓有秋

思感機緘之不停嗟歲月之易逝彼倉庚兮春闈及啼鴉兮夏至
會爲日之幾何而此物者至矣乃因人情再想物意其來也豈從
龍荒朔幕之墟將自狼居姑衍之地過西域之玉門亦尙記于漢
壘歷長安之銅駝抑曾飲于渭水麥芄兮何如黍離離兮奚似
諒山河之無恙今風景之不異爾能爲予而一鳴予亦將有以告
乎爾久之有聲從天而來如怨如訴如悲如哀物若是以有情入
胡爲而忘懷雖至于無可奈何者已是得不爲之長太息也哉於
是乃告之曰伊蜀山之千重去吳天之萬里巫峽高入于雲端岷
峨深在于雪際恐矧弋之過憂非羽翼之得計吾聞晚煙蒼梧夜
月青草洞庭橘柚之鄉松江蘋蓼之島厥有稻梁亦有蘆葦爾不
彼去胡過于此又聞暮雨滕閣西風楚樓鸚鵡黃鶴之境鳳凰白
鷺之洲可以回翔可以棲止爾不彼去胡久於是爾其有中原之
信音又胡不詣上林而報天子于時桂影沈夜桐聲響秋旣感物
之可感又憂人之所憂其有窮征絕塞遠戍他州念百戰之已老

苦數奇之不侯如李廣班超之徒聞此之聲安得不髮怒而眉愁
其有繾綣河梁投老遐陬思故國之越吟作他鄉之楚囚如李陵
蘇武之徒聞此之聲安得不涕雪淚流或有遭時擯斥與世沈浮
逐汨羅之漁父盟江上之沙鷗如屈平賈誼之徒聞此之聲安得
不含憤而懷羞或有隨牒千里寄情一邱動尊鱸之佳興賦松菊
之西疇如淵明季鷹之徒聞此之聲又安得不形往而神留或有
螢雪案前風雨牀頭誓擊楫以自厲痛枕戈之未酬如劉琨祖逖
之徒聞此之聲又安得不命咎而時尤又有闈房蕩子江湖遠遊
倚日暮之修竹望天際之歸舟如瀟湘溢浦之婦聞此之聲又鮮
不寓心於伉儷托興於綢繆或又有月冷金殿霜淒錦裘恨敝履
之已棄悲紈扇之不收如長門卓郡之人聞此之聲又鮮不寄言
于賦詠傷意于悲謳凡若人兮此心何求是亦猶聞烏而唾聞鵲
而喜聞子規而思歸聞鄰雞而思起非無故而偶然蓋不能以自
已而況于斯云胡不以然則衡陽以北代地以南千萬人之心不

同又豈一人之心可擬是曷不玩義經之漸陸兮思出處之大義
詠周雅之集澤兮味還定之深旨或訝其所聞者一而所思者殊
則曰燕雀安知鴻鵠之志

茶僧賦

方岳

林子仁名茶瓢曰茶僧予爲之賦

秋崖人問茶僧曰咨爾佛子多生糾纏今者得度以何因緣豈其
能重譯陸羽之經飽參趙州之禪也歟曩彼灌莽翳於原田扶種
族之瓠落引苗裔之蔓延繫有尼父之歎磊若壺公所懸彼軀體
之擁腫而猥大者君子雖器之而未知其孰賢或劔而中或剖而
邊士操取飲於夜澗鳥勸行沾於春煙曾未若爾出家在許瓢之
後而成佛在魏瓢之先也試嘗爲掃除霜萬提攜出山衣以馳尼
之淺褐喜其梵相之堅圓與之轉法輪於午寂戰魔事於春眠山
童敲雲外之白野老掬雪中之泉瞬木上座其少休與竹尊者而
流連噉冰玉之一再搜文字之五千然後掛維摩拂臥瀉山餅未

嘗不歎曰奇哉此僧之精研也

梅花賦

姚勉

壬辰之冬雪霽寒籠有二嘉客訪我梅屋炙晴牕之新暄酌癭樽
之清淥值余梅之暖吐巧裁鏤于冰玉出臞仙于山澤揖處士於
巖谷微風天落暗有清馥幽閒淡雅照水橫竹客謂主人曰天英
地華融爲百花或以香珍或以色姱觀其靜麗而奪秀蓋亦千芳
而萬葩何吾子之皆不取而獨內交乎斯梅耶主人顧客而笑曰
養竹於庭所以標醉吟之清滋蘭在畹所以風靈均之馨君子好
恬而樂素不羨侈而慕榮桃李華而近浮松柏質而少文未若斯
梅之爲物類於君子之爲人今夫異萬木而獨秀冠羣芳而首春
是卽君子之材拔眾萃而莫倫立清標而可卽正玉色以無媚是
卽君子之容羌旣溫而且厲寒風怒聲悄無落英嚴霜積雪敢與
爭潔君子之節也瑤階玉堂不增其芳竹籬茅舍不減其香君子
之常也在物爲梅花在人爲君子皎菌璧之連接瑩壺冰其表裏

既物我之通稱又焉得舍此而取彼茲予所以內交於斯梅而植
以爲庭實也方其林梢盡枯瓊萼孤出霜風肅肅庭有愛日負朝
暄于檻砌而繙玩乎書帙此時此花味我閒適又加殘雪在簷寒
月侵室浮雲四卷天宇寥闊倚欄而長嘯遇神人於姑射此時此
花助我飄逸嗟吾屋之半閒陋纔止於容膝惟此花之清絕相娛
笑以朝夕開醉襟於酒觴生妙思于吟筆使予舍此而他殆將喪
志於玩物矣況夫若作和羹爾惟鹽梅味可世資從古以來方爲
薦實于鼎鉉豈徒脫跡于塵埃彼百花之紛紛亦何有于我哉客
聞此言色笑心悅挹清芬而度酒嚼瓊蕤而嚙雪醉相枕而不知
同一夢於霜月

秋興賦

陳普

金風西來噓一氣於清商瀟颯颯颯肇六合之寒涼烟雲飛兮縹
緲穹昊高兮青蒼溪流嗚咽以竭涸林木於邑而凋傷枯荷池館
敗葉垣墻幽情芳杜愁心垂楊燕謝跡于泥巢鴻馳聲於瀟湘豆
花蟲兮訴恨腐草螢兮流光傷流年之翕忽覽時物而旁皇吟清
風兮歌滄浪懷美人兮天一方寄遊心于千里極雲海之微茫微
茫兮不可涉夕陽影兮楓葉想羹膾之尊鱸欠松檜之舟楫美人
兮美人涕淚沾巾恨不得學長房而縮地兮把瑤草而相親維天
動而地靜兮陰陽隨其運行四序因而代謝兮萬物遂其枯榮若
夫秋之爲令兮誕金德之純精迴颺忽以狂厲兮萬籟託于商聲
天沈寥而晃朗兮露零零而淒清微陽短晷涼氣迴薄遊絲編線
槁葉隕落夜色冷而扇扉晨光澹乎樓閣蛩蟲修其坏戶鷹鷺奮
其搏攫於斯之時則屏織絺襲重裘曳瘦竹陟高邱雲留陰兮暮
色泉托語兮寒流軒階行其熠燿枯樹鳴其鶴鶴慨浮生之爲寄
悲急節之難留嗟乎世人倉皇羈迫塵靴或趨利于宦途或劬情
于遠客或折脅之范睢或斂頤之蔡澤亦有雲路翱翔風波扞格
是皆一時之蹭蹬終不免于沈默也已矣哉白日兮西飛明月兮
盈虧百川水兮歸海華表鶴兮不歸曷若理扁舟于五湖對白鷗

而忘機

南宋文範卷二

南宋文範卷二

南宋文範卷三目錄

騷 辭 樂章 樂歌 四言

楚辭四首

范成大

幽誓

愍遊

交難

歸將

擬騷 羈鳳辭

楚辭二首

韓元吉

感春辭

弔二妃詞

招真詞

延陵懷古詞

謁陶唐帝廟詞

張萬里

楊萬里

康與之

張嶠

李光

劉宰

南宋文範卷三目錄

一

風雩亭辭

懷忠堂辭

洞庭君山辭

補樂歌十篇

帝宓犧氏之樂歌

帝神農氏之樂歌

帝有熊氏之樂歌

帝少昊氏之樂歌

帝高陽氏之樂歌

帝高辛氏之樂歌

帝陶唐氏之樂歌

帝有虞氏之樂歌

夏后氏之樂歌

有商氏之樂歌

張栻
王炎
鄭起
曹勛

景靈宮樂章

皇帝還位乾安之曲

尚書徹饌吉安之曲

皇帝降殿乾安之曲

皇帝還大次乾安之曲

太廟樂章

皇帝盥洗乾安之曲

皇帝還位乾安之曲

奉俎豐安之曲

皇帝再盥洗乾安之曲

虞帝廟樂歌

送方豐之秀才歸福堂

一經堂詩

酬寺簿勸農追和淵明見貽

周麟之

周麟之

朱熹
呂本中
鄭裕
羅願

題陳和仲尊明亭

袁甫

平寇上使君王潛齋

嚴羽

贈衡陽簿林士愷

趙汝騰

題江貫道山水

林希逸

南宋文範卷三

長洲顧少卿先生鑒定

秀水莊仲方編

騷辭樂章樂歌四言

楚辭四首

范成大

幽誓

天風厲兮山木黃歲晚兮又早霜虎號崖兮石飛下山中之人
兮孰虞予造軻兮挾軻紛不可兮此淹留靈嗟兮過邁趣駕兮遠
遊予高馳兮雨濡蓋予揭淺兮水漸佩橫四方兮未極泥盎盎兮
予車以敗望夫君兮天東南江復山兮斯路巉恍欲遇兮忽不見
奄晝晦兮雲曇曇前馬兮無路稅駕兮無所誰與其兮芳馨獨蒼
茫兮愁苦

愍遊

君胡為兮遠遊蹇行迷兮路阻修朝予濟兮滄海靈胥怒兮蛟躒
舟暮予略兮太行車墮輻兮驂決攀援怪蔓兮一息雷晝闕兮山

裂四無人兮又風雨靈悠悠兮爲予愁絕君胡爲兮遠道委玉躬
兮荒草與魑魅兮爭光與虎兕兮羣嗥君之居兮社木蒼然衡門
之下兮可以休老歸來兮娑娑芳滿堂兮儻歌奉君子兮眉壽光
風蕩兮酒生波雲日兮同社月星兮偕夜千秋兮歲華弭予蓋兮
繼子馬悲莫悲兮天涯樂莫樂兮還家

交難

美一人兮巖之扃佩璧月兮閒珠星歲既單兮不圭幣路巉絕兮
遠莫致稼石田兮長飢誰與此兮藪之藉予玉兮雙鼓先子絺兮
五兩不萬一兮當此託長風兮寄想長風兮無旁吾媒乏兮鳳凰
謂蘋若兮萬蒿艾鳳告予兮以不祥恐青女兮行秋奄銷歇兮眾
芳塞芳華兮玉蕤將以遺兮所思玉蕤兮霜露所思兮未知

歸將

輿不濟兮中河日欲暮兮情多子蘭橈兮蕙棹願因子兮凌波睂
壑兮以漁周落兮以驅驪龍兮飛度郊之麟兮去汝波河濱兮迷

途黃流怒兮不可以桴目八極兮悵望獨顧懷兮此都御右兮告
病鑿鈴兮靡騁河之水兮洋洋不濟此兮有命

擬騷

羈鳳辭

韓元吉

我家既遠兮苕水爲鄉中有羈鳳兮飛頡頏朱爲冠兮黼爲裳五
色炳兮耀文章音律呂兮韻宮商竹不實兮梧則僵翳蒹葭兮飶
稻梁虞舜作樂夔在堂集阿閣兮麗朝陽胡爲去我兮天一方友
鳧鴈兮侶鶯鷦吁嗟鳳兮其來翔

楚辭二首

和樓倅宗簿

劉宰

某病不可仕歸老漁樵黽通守樓宗簿好古樂善意其違
世獨立似古隱者歌楚詞以遺之辭嚴義正足與屈宋並
驅友人王仲永料院復用韻見寄見黃門而稱貞雖不能
不爲知言之累然厚意不可孤也謹次韻以謝前以自見
後以見區區之望云

草莽莽兮平臺鳥翩翩兮去來側身兮引睇長太息兮徘徊攬余

轡兮高驚豈不夙夜兮謂行多露漱流泉兮枕石憺無營兮得我
所同心兮離居未傾蓋兮有書歲既晏兮無娛我思君兮君開關
而望余

余幼好此奇服兮歲荏苒而華顛聞若人之好修兮奉眾芳而獨
專結微情以陳詞兮鱗鴻杳以無傳惟聖哲之茂行兮在舉能而
任賢橫江湖以揚舲兮靈維楫之可捐爛晨光兮破羣幽清風發
兮涼風颼颼瓊佩兮鏘鏘玉鸞鳴兮啾啾時不可兮驟得君胡為
乎此留

辭

感春辭 為自然使君作

李光

有美人兮天一方秀外而慧中兮體便娟而生香腰支娜娜兮曳
六銖之仙裳表傾城之巨麗兮施粉太白增之則長瞬明而流盼
兮瑩秋水之清揚良辰勝日賓客滿堂忽歌喉之宛轉兮聲遏雲
而繞梁異巫山之朝雲兮徒見夢於楚襄悵尤物之不可久兮撫

衾枕之空牀耿青燈之閃閃兮怨秋夕之未央記音容於彷彿兮
掩涕淚之浪浪於時煩暑既退微露宵零風蕭蕭而入牖蟲唧唧
而悲鳴徂清夜於蘭房收亂志於短檠雖冥冥而罔覲猶依依而
奉承嗟余生之耿介兮視死生於虛誑慕壯夫之猛烈兮悟釋氏
之真妄浩歌徑醉飲醇啜醢我兮為客彼得所歸焚香清坐神氣
相隨有來唁者一笑而揮之

弔二妃詞

張嶠

予讀李白集見其說衡湘間事了然如在目前因感之作
弔二妃詞且招之其詞曰

登崗阜之蜿蜒兮縱遠目以無窮漫平陸之藹藹兮聳山氣之寵
從忽神馳于洞庭之野兮寄幽情于極浦仰九疑之積翠兮思二
女之遺風方帝之南巡兮雲軼儼其不返予將問之於湘濱兮亦
何為而隕躬湘山高兮千尋猩狖嘯兮寒猿吟寄荒祠于崖壁兮
動行人之永慨弔蝸蜒于遺像兮鬱古木之森森睽英皇之千古

兮尚徘徊於此而不去結幽憤之纏綿兮生古地之層陰相含顰
以悵望兮餘天邊之新月墜綠髻之峩峩兮疑江上之煙岑遺芳
馨于千祀兮耿光凜其未泯灑清淚于湘筠兮寫萬載之貞心繫
昔嬪嬙以下嫁兮粲車服之曄曄今茲山鬼之與鄰兮羌不恨于
幽沈望三湘而不可見兮徒結思于蒼莽念帝子之幽獨兮紛泣
涕以沾襟歸來兮蒼梧歲暮寒雲深

招真詞

康與之

自姑蘇出齊門沿而北望山如巨鼇常熟縣之虞山也邑
去江不及程陂湖畎澮之積自南至者傾馳會於江江湖
既應則迅瀾倒流二水相制移時而不能去山無奇容惟
荒墟白草醜石陂陀迤邐而西有修林橫抹隱見於兩山
之間其中爲招真菴元祐中道人申氏海陵徐處士弟子
也松林森茂庭宇簡寂如隱君子之居通州道士喻抱元
增治之舊名竹陵自是更以招真請記於僕乃歌招真詞

以系之曰

白鶴巢兮丹井空蓬山杳兮煙霞濛濛陵谷變兮今古木葉下兮秋
風飛仙去兮朝太微黃冠野服兮以遊以嬉餐霞臥月兮世不我
違與世滌映兮天門可馳蒼龍嗥兮雲漫扉石泉冽兮山芋肥俯
仰宇宙兮日月蔽虧靈秀回薄兮野芳呈姿山中之樂兮萬化莫
移仙人不來兮隱者曷追

蘇州府志

延陵懷古詞

楊萬里

子假守延陵蓋州來季子之虛也迨暇登城游目四顧慨
然想見季子之風烈既而問諸故老古今之士或邑于斯
或寓于斯者得三人焉作延陵懷古詞

荆之溪兮澹以幽惠之山兮雲侔思君子兮不見莽草樹兮修修
面句吳兮東而坐背朱方兮北臥齊楚豈不強而大兮吾王以安
賢于國其無裨兮不曰季子存而吳賀彼懵者之躓言兮謂兆亡
於讓王勿克承于考心兮用永五湖之與三江祀太伯其忽諸兮

顧襲譽于子臧曾不知民無讓而不立兮自古皆有亡諷肥蛄自
鋤箕兮疇莫知其重輕若干乘暨簞豆兮潔豐約而則明迨躬逢
而利怵兮亦幾何而靡爭謂吾札之不懿兮札亦恬受而茹聲復
思兮君子乾坤毀而日月息兮則君子之亦死延陵季子
密雲兮終風健順閉兮罔守蹊之通唱葵邱踐土而迹熄兮矧冀
方岐山之與逢殫棠溪以鑄兵兮靡遺蒲于董澤燕處無趾而造
齊廟兮楚眈而秦其魄鬪六王于一說兮微儀衍之舌而不國嗟
苦先生兮難知時之不如儲唐虞之故冕兮鬻洙泗之敝裾乘方
輪而折軸兮欲先鞭而疾驅豈不家捐而人棄兮載之萬世之亨
衢繫素王兮中都若蘭陵兮聖之徒征九伯而佩六印兮睎二邑
幸而不能俱倘不欲以天球玉磬而貿康瓠兮嗟爾後死者其舍
諸蘭陵公
吹赤壁之月笛兮瞻黃州之雪堂彈湘妃之玉瑟兮織天孫之錦
裳招先生其來歸兮何必歸眉山之故鄉歷州九而猶隘兮誕實

之祝融之汪酌乳泉以當醴兮餐荔子以爲糧葺榕葉以作屋兮
託桃榔之蔭以爲裳驅海濤以入硯滴兮挽南斗文星于筆銚昌
黎兮歐陽視先生兮雁行韞不洩兮忠憤炯不滄兮文章乞鏡湖
兮九關營菟裘兮是邦予之來兮云暮與先生兮相望視履跡兮
焉在問故宮兮就荒俯仰兮永懷渺山川兮蒼蒼東坡先生

謁陶唐帝廟祠

張栻

溪交流兮谷幽山作屏兮曾邱木偃蹇兮枝相樛皇何爲兮於此
留藹冠佩兮充庭潔芳馨兮載陳純衣兮在御東風吹兮物爲春
皇之仁兮其天四時序兮何言出門兮四顧渺宇宙兮茫然

風雩亭辭

張栻

嶽麓書院之南有層邱焉於登覽爲曠建安劉公命作亭
其上以爲青衿遊息之地廣漢張某名以風雩又繫以詞
眷麓山之回隩有絃誦之一宮鬱青林兮對起背絕壁之穹窿獨
樵牧之往來委榛莽其蒙茸試芟夷而卻視翕眾景之來宗擢連

娟之修竹森偃蹇之喬松山靡靡以旁圍谷窈窕而潛通翩兩翼
兮前張擁千麾兮後從帶湘江之浮渌矗遠岫兮橫空何地靈之
久闕昉經始乎今公悅棟宇之宏開列闌楯之周重撫勝概以獨
出信茲山之有逢予揆名而諏義爰遠取於舞雩之風昔洙泗之
諸子侍函丈以從容因聖師之有問各踞陳其所衷獨點也之操
志與二三子兮不同方舍瑟而鏗然諒其樂之素充味所陳之紆
餘夫何有于事功蓋不忘而不助示何始而何終于鳶飛而魚躍
實天理之中庸覺唐虞之遺烈儼洋洋乎目中惟夫子之所與豈
虛言之是崇嗟學子兮念此邇千載以希蹤希蹤兮奈何盍務勉
乎敬恭審操舍兮斯須凜戒懼兮冥濛防物變之外誘遏習氣之
內訐浸私意之脫落自本心之昭融斯昔人之妙旨可實得於子
躬循點也之所造極顏氏之深工登斯亭而有感期用力於無窮

懷忠堂辭

王炎

顏魯公知湖州作放生池又刻碑池上其碑見存池畔有

魯公祠堂題曰懷忠北山程公嘗作楚詞一章刻石廡下
其辭甚古然未盡事實因以辭續之其辭曰

跋逸駕兮前修佩哉符兮典州迹已陳兮德新可敬而慕兮幾春
秋意其存兮闕于萬年之原謂其逝兮乃在浮羅之巔奮忠精兮
取義貫羲娥兮爛然隘塵寰兮上征揮凡極兮為仙黃鵠脫驂兮
素蚪停駟幾彌節兮合遺民而來顧高弁蒼蒼兮清茗瀰瀰公來
遊兮湖山增美遊觀罷兮來歸有浦與河兮清冷之池魚鳥懷生
兮欣欣焉其有依銀鉤蠶尾兮燦翠珉而陸離絃琴兮擊鼓羞羔
豚兮酌醕跪起以薦兮願公燕喜公燕喜兮吾民樂康卻災沴兮
蠲除不祥雲來兮萬祀烝嘗兮不忘

洞庭君山辭

鄭起

山為君兮水為臣水為臣兮象為兵君有定位兮兵無定形知山
知水兮知君臣之性情不知師不知比兮又奚知用兵之精余經
山之外兮觀山水之杳冥佳氣葱鬱兮或天香而龍腥煙雲變化

兮或狗狀而人形風濤洶湧兮或崖立而天平或夕陽兮漁歌或
曉霜兮鐘聲或雪下兮鴈叫或夜半兮鼃鳴或仙人張樂兮霞佩
之駢駢或神丁從駕兮車騎之鱗鱗冬寒春暖兮湖草幾番之青
青今來古往兮人物幾代之廢興嗟余行役兮顧鬢影之星星無
由登山臨水兮與鷗鷺盟北風吹袂兮又將之荆徘徊不忍去兮
聊以歌而行

樂章

補樂歌十篇

曹勛

夫小雅廢而頌聲寢王澤竭而詩不作何則治亂之迹殊
而哀樂之情變也故簫韶歌虞鳥獸率舞靡靡歌桀淫酒
流化是知吟詠情性關乎盛衰參諸天地俯仰疾徐接於
影響形於風化傳以爲動天地感鬼神不亦信哉予讀古
史見六代之樂及覽外傳自宓犧以至於商皆有其名而
亡其辭唐元結嘗第而補之惜其文勝理異予志於古而

不及見者也因申其名義補而發之庶幾一唱三歎當有

賞音者存焉云爾

帝宓犧氏之樂歌

罔害以利民也

罔兮罔兮惟田漁時兮食兮民之須以享以祀兮燔祭有餘

一章章三句

帝神農氏之樂歌

豐年報帝功也

豐年告成百穀用登匏籩既盈黍稷既馨昭假是膺

一章章五句

帝有熊氏之樂歌

雲門紀瑞應而昭靈命也

於昭上帝靈命有赫其命維何卿雲五色翩如遊龍萃如山崇來
臨來止惕然有顛惟欽惟畏迺迺庸肇建官師神民肅雍

三章章四句

帝少昊氏之樂歌

九淵澤及飛沈也

鳥飛于天魚躍于淵俟其尸之其然而然物之生矣時其殖矣職其宜矣安其居矣神之降依昭格左右霜露所霑罔不在宥

三章章四句

帝高陽氏之樂歌

五莖萬物遂其性而遍諸嘉生也

悠悠上天罔不覆護兮芸芸動植靡不康阜兮三光全兮五穀熟兮神顧歆兮吾人昌兮維上帝之功兮疇依

一章章九句

帝高辛氏之樂歌

六英草木暢茂而被其光華也

時雨濛濛自西及東日月所至罔不率從田有黍稷原有榛栗尊

卑秩秩民有家室惟天沖沖惟天崇崇允不厥中臻於大同

三章章四句

帝陶唐氏之樂歌

咸池德施周普而流於罔極也

鴻惟烈祖啟迪後人皇皇上帝俾予字民民協平康帝命式臧宅彼陶唐光於萬方萬方億靈亦莫我敢承如天之運如日之升孰知其極兮不可得而名不可得而稱

三章二章章四句一章章七句

帝有虞氏之樂歌

大韶能紹帝堯之德而同於無爲也

草木繁蕪兮陰雨膏之百穀豐衍兮寒暑成之萬物護理兮元凱馴之顧否德之弗類兮敢不允躬以承之庶揖讓以救爭兮傳諸罔極世不乏聖兮惟皇與直俾帝堯之至公兮終惟斗之不忒

二章一章章八句一章章六句

夏后氏之樂歌

大夏美其功利之大而民歌樂之也

於皇上聖臨御有赫洪流湯湯弗降弗辟命於帝庭纂服是膺隨
山濬川海寓攸密五服既宅貢有常職恩覃遐荒惟帝之力元圭
告功敢不承式地平天成垂休罔極

三章二章章四句一章章八句

有商氏之樂歌

大漢美其靈亂救民而能覆護之也

維天自光式彼大商俾正以爾萬方萬方其乂易亂為治至於上
下鳥獸草木罔不安遂帝命是膺聖政日新佑我烈祖以克相爾
後人

三章一章章三句二章章四句

景靈宮樂章

皇帝還位乾安之曲

周麟之

帝臨闕庭逆釐上靈神鴉安坐肅若有承嘉觴既申德聞惟馨靈
光留俞祚我億齡

尚書徹饌吉安之曲

普淖既薦苾芬孔時神嗜而顧有來宴娛饗矣將徹載欽載祗展
詩以侑益臻厥熙

皇帝降殿乾安之曲

我秩元祀上推鴻源展事有血禋威肅然升城既降秉心益虔荷
天之休千千萬年

皇帝還大次乾安之曲

帝將于郊昭事上祀爰茲畢觴復即于次飈旂載旋容旌沓騎維
皇嘉承錫祚昌熾

太廟樂章

皇帝盥洗乾安之曲

周麟之

維皇齋精駿假于廟觀盥之初惟以潔告衍承祖宗恤祀昭孝誠

心有孚介福斯報

皇帝還位乾安之曲

於穆清廟明禋是躬卿士駿奔助我肅雝灌鬯已事精誠交通佇立以思優然其恭

奉俎豐安之曲

有碩其牲登于大房肅展以饗庶幾迪嘗匪脂是告我民其康保艾爾後垂休無疆

皇帝再盟洗乾安之曲

盟至于再潔誠俞孚帝用祇薦靈咸嘉虞騰歆臚驩會于軒朱觀厥颺若受福之符

虞帝廟樂歌

朱熹

皇胡爲兮山之幽翳長薄兮俯清流眇冀州兮何有眷茲土兮淹留皇之神兮如在子我民兮不窮以愛沛皇澤兮橫流暢威靈兮無外潔尊兮肥俎九歌兮招舞嗟莫報兮皇之祐皇欲下兮儼相

羊烈風雷兮暮雨

虞之陽兮滄之澗皇降集兮巫屢舞桂酒湛兮瑤觴皇之歸矣何所龍駕兮天門羽旄兮繽紛俯故宮兮一慨越宇宙兮無隣無隣兮奈何七政協兮羣生嘉信玄功兮不宰猶彷彿兮山阿

四言

送方豐之秀才歸福堂

呂本中

我居江東惟信之州子來自南而與我遊問其所友一時之秀其兄韞德亦既有就子學既立子志甚遠何以終之止在不倦貧賤勿厭自然無悶富貴勿羨害德之本彼古之人能聖與仁我胡不能歎其絕塵今子歸矣歲亦有秋何以告子惟聖之求水流有源木生有根惟源與根入德之門求聖根源惟正之守正之不守棄師背友絲毫之僞勿萌于心無有內外亦無淺深由此則聖舍此則病是以君子所守先正予以贈別亦以自警爲別後思且以三省

一經堂詩

宋進士方萬留意經術朱子扁其堂曰一經

鄭裕

甫之甲姓實惟大方紫囊錦帳閱膏梁有子盈之乃其最良心
志乎道視之如忘博究六藝并包五常東家尼父北牕羲皇日相
討論兼收並藏五經在笥一經名堂謙以自牧雖晦而光實浮于
名雖抑而揚伊昔孟氏排墨與楊斯文羽翼吾道棟梁豈特詩書
獨稱其長諸儒之說于孟何傷吾子命名既擇而詳通而貫之輝
涵汪洋剖破藩籬無門無旁默契韶濩能宮能商正蒙折滯起廢
鍼育以一知萬名實孔彰人知同好絺句繪章元酒太羹子獨先
嘗經術之門驥騁康莊典謨之文鳳鳴朝陽學報天子業纘星郎
以經名家非子誰當

酬寺簿勸農追和淵明見貽

羅願

江漢之會中具五民見異而遷乃喪厥真相彼樊山我行所因有
閑其壤問彼居人方時清明家自為稷其藪其浸其動其植孰為
使民有田不穡亦惟蒲魚恃此鮮食歲運周回景躔西陸帝籍重
開天顏逾穆耕事將起毋荒遊逐凡我農官戒民宜宿戒民伊何
美成在久譬彼射侯則求其耦驅率慵墮轉緣南畝數耘疾收在
而心手農亦有書匪藏金匱盍耕如莘盍饁如冀桑蔭清好濁醪
日至已勤而食則無所愧勿謂此州遠連邊鄙我疆西北盡其四
履風雨順時日星循軌屢豐作頌以致歸美

題陳和仲尊明亭

袁甫

亭在山巔氣象巍然山從何來蜿蜿蜒蜒我坐亭上極目一望羣
峯畢朝尊我與抗我撫亭下萬象難寫一一分明入我醉學有時
攜筇偕我朋從莫知我心獨撫孤松

平寇上使君王潛齋

嚴羽

治平改元有盜于建昔犯我鄙狼蹂豕踐于休吾侯維民之憂爰
整我軍式遏虔劉侯勵將士無譁聽我進退勇怯死生福禍侯出
府庫啗勳賞馘前無堅敵後無捷策乃有奇士據鞍請行袒裼入
陣賊莫能嬰亦有賢僚爭先跋涉屢摧賊鋒一月三捷侯曰嘻哉

盜本王臣殪而殲旃傷天地仁赤子弄兵如魚遊釜投戈歸田新
汝生路孰謂反覆給我行人既馳我備薄掩我軍我軍少卻醜類
鴟張環數百里奔播徬徨侯曰嗟哉其又可怒馳赤白囊亟請淮
旅淮旅未來阡危如燬淮旅既來稚耄失喜侯謂淮將次舍良苦
休士秣馬我有清醕淮將曰嗟剪此朝食不介而馳直擣其穴羣
醜來聚亘野彌山淮旅整暇徐誘之前弓不虛設矢不妄繳數步
之內應弦而踏或戈其喉或受其脛若鳥獲力鞭乳臭嬰黨類周
章途殫命窄魚驚鳥散影不反迹淮旅拘怒薑芥髮髯搜林括莽
遠討窮追淮旅拘怒火烈具舉沸澤焦厓窟穴無所自相蹈藉十
殺八九喪魄亡精食不知口原膏野赤谷臭川腥燐火不燄殤鬼
殘形乃求元兇已縊巖阻執彼餘魁入而振旅其魁伊何緇服髡
首一郡縱觀萬夫歡走炮烙剔腐以儆畔首前後獻俘復以百數
蕩滌汗垢宥貸脅從收霜捲霽和氣融融侯饗淮將加籩折俎庖
騎酒車飲均眾伍何以贈之篋篋熒煌戰功曰多告成于王嗟我

婦子若翁若媪安逸怡愉匪侯曷保侯曰此捷諸將之功雖有諸
將實侯指踪讐在藩籬病居心腹急緩安危若手反覆匪侯勤請
蔓實難圖謂予不信往有覆車君子作歌以頌侯績誰其采詩以
備簡冊

贈衡陽簿林士愷

趙汝騰

吾黨仲容行修能通而志卓然以慕直躬嘗儕扣關力摧姦鋒上
旌其言擢第南宮府庠諸生坐斥匆匆君盡遠詒蓋援掖逢子疏
已先所見略同每起敬愛有烈士風子歸里閉時訪藿蓬匪義不
談惟理是窮告子成及棲枳湘中壯哉茲行近紫蓋峯刑使傑然
蜀彥之雄埋輪大勇折檻精忠朝夕趨承必得所從一被容接終
身登龍惟仕首輔必廉必公惟學策要必敬必恭胡張之鄉名理
之宗公餘取友以相磨礱

題江貫道山水

此畫正絹作石
林簡齋有題跋

林希逸

遠水叢叢遠樹濛濛咫尺萬里江行其中短長何岸高低何峯彼

南宋文範卷三
三
抵彼峙彼瀑彼欲晴嵐乍豁煙靄龍蔥或斷或續且淡且濃爾萃
奚寺爾盤奚宮或垣陰翳或梁嵌空有吠者厖有樵者翁危檣落
碇短樵掀蓬往來異趣寂動殊容翳翠其庭豈非盧鴻畧約而渡
豈非龜蒙昔吾經行雲山萬重若淮南北與江西東亦蕞而雨亦
帽而風乃今追維夢境相從及此開卷恍然昔同誰居作者造化
論功淹總其裔熙成是宗聲聞九陛既召而終謂彼樹白識其身
窮其然豈然訊之天公被名穹壤疇曰不逢

